

中華民國十三年六月重刊

先聖賢儒年攷

大同子溫厲時中恭箸



SI
M
B
5

先聖賢儒年考

目錄

體例

例序

像贊

例表

年考

世系

書後

目錄

子溫厲時中謹攷



3 1772 7570 2

著者體例之解釋

一本編例言序明歷代先聖賢儒饗祀之意義

二本編像贊依漢靈帝光和元年始置鴻都門學畫先聖及十二弟子像例位於簡端恭爲之贊用示尊崇信仰之意

三本編例表凡先聖賢儒位次先後一列表分正中東西配東西序東西廡至崇聖五代只有東配三西配二東廡三西廡二仍前制一同列入缺東西序

四本編年攷爲考定先聖賢儒封爵及道德事業學問著書起例至其人爲何代何年何地何年配享從祀一同說明

五本編世系統祇說孔孟世系從至聖至昭煥計七十二代從亞聖至毓瀚計六十七代世襲罔替於今尤盛至先賢儒各有世譜未便全載

六本編書後書聖裔延長徵示聖賢遺澤以完全本著之意

先聖賢儒年考例序

夫年考之緣起。起於民國締造之初。祀典未定。褒揚未加。表先聖賢儒生平事實。及歷代封爵年號。用彰盛德於不替也。夫祀孔之典。歷代尙已。自生民以來。我國之國魂存焉。歷聖之道。系存焉。古今之學脈。全國之文魂。存焉。邇來烟烽滿地。廟廡夷終。年供几塵。積無復禮聖之意。雖國教未定。而尊孔一條。議決明定憲法。已全國一致。今年新大總統。蒞任實行祀孔典禮。以示尊崇。上下屆期。京外長官學員。魁儒名宿。趨跲將事。一體與祭。俎豆莘莘。鼓鐘雍雍。鼗磬祝敵。干戚摩戟。文武樂舞。琴瑟和鳴。簫管備舉。笙笛同音。詩歌告終。禮儀告成。以迓神靈。以妥神庥。誠一時敬禮之至也。噫。此尊孔之典。即禮樂興起之端。實雅頌昇平之兆。歟。盼望我國人人。知尊孔子。人人。知尊孔之精神。則更有進。夫中國自漢以來。學者知學爲賢人。不知學爲聖人。是一大障礙。此聖人不出孔道。所以不行也。夫孔子之精神。完全夫智仁聖義中和。存在於易禮詩書春秋宇宙之斯文。在茲人道之系統。在茲全國人之精神。魂魄在茲。春秋而後。歷漢魏隋唐及宋元明代。歷經褒崇。有加無已。載在祀典。迄有清光宣廟。制極九楹。原歷來敬禮之崇。無非景仰聖神之盛德大業。先哲之學問事功。表示人心理中。

信。仰。之。誠。不。容。已。也。至。問。至。聖。之。精。神。至。誠。之。參。贊。民。無。能。名。之。即。讀。聖。經。賢。傳。問。以。聖。賢。之。文。行。實。錄。歷。朝。封。爵。年。號。及。先。賢。儒。之。學。問。事。功。著。書。爲。何。時。何。地。人。何。年。配。饗。從。祀。能。記。憶。者。亦。復。少。數。他。無。論。已。庸。詎。知。我。國。四。千。年。來。前。聖。賢。之。道。粹。學。粹。一。國。之。國。粹。人。粹。萃。於。殿。庭。兩。廡。者。乎。知。之。則。神。人。之。精。誠。通。不。知。則。神。人。之。精。誠。隔。是。故。崇。拜。聖。賢。先。要。知。爲。聖。賢。以。立。所。願。所。學。之。偉。志。已。也。此。吾。所。以。亟。欲。表。揚。以。輸。同。志。俾。公。認。識。聖。賢。之。道。德。以。行。聖。賢。之。事。業。云。爾。

民國六年九月九日大同子溫厲時中恭紀於晉文廟

先賢儒從祀年表序

宇宙人種心理上最不容湮沒者厥惟有功斯道之先聖賢儒爲最多祇緣人種心理上天賦之良知從古自今同此心同此理也斯言也百世以俟聖人而不惑者也我國歷代締造首先尊崇孔子表彰賢哲揚厲先儒示後世學者唯一趨向之歸雖曰學問之關係區分哲學與科學然其天然之良知良能源淵於高曾綿綿於子孫弗替者非我四千年來之聖神教澤浹洽肌髓鑄入腦筋遺傳於今日人人心理中不知二十世紀文明爭競時代何所恃以立足於大陸之上何也木有本水有源本固枝榮源遠流長未有本撥而枝葉不害源竭而波流及遠者古先聖賢乃人種之根本學問之源流也學無本源何所歸宿夫子大學聖經曰致知在格物曾子釋大學先明德新民子思子作中庸言天道人道孟子道性善明良知良能明姚江陽明致良知之學清龍門薛瑄之詔稱正學容城孫奇逢之敦尙實學皆我國生民以來同一學系之相沿在世界人種心理上不容已者雖中西文明進化學者較古爲難究其根本純粹差前賢遠矣此今後之宗聖學者急欲尊崇而表揚之爲二十世紀後擔任斯道者勵焉亦二十世紀後修正典禮者助爾因述錄從祀年表著爲考民國六年夏

先賢儒從祀年表序

正五月大同子溫厲時中自序

〔前序稱二十世紀從孔子紀年例〕

二

子溫厲時中謹啟



孔子像



孔子像贊

萬世師表百代憲章名教作則斯道大光主宰天地儀型家邦克配上帝被服萬方
美大化神厲溫恭讓時聖道德中和氣象漢鴻都門畫學聖像歷傳久遠仰贊心嚮
中華民國六年八月二十七聖誕日大同子溫厲時中恭贊

先聖賢儒名次例表

先

至聖孔子正
 復聖顏子東
 述聖子思子
 宗聖曾子西
 亞聖孟子

聖

先

閔子冉子雍端木子仲子卜子有子東序
 冉子求宰子冉子耕言子顓孫子朱子西序

公孫僑 林放 原憲 南宮适 商瞿 漆雕開 司馬耕 梁鱸 冉孺 伯虔 冉季 漆雕徒父
 漆雕哆 公西赤 任不齊 公良孺 公肩定 鄒單 榮旂 罕父黑 左人郢 鄭國 原亢 廉潔
 叔中會 公西與如 邾巽 陳亢 琴張 步叔乘 秦非 顏噲 顏何 縣亶 牧皮 樂正克

賢

萬章 周敦頤 程顥 邵雍 東廡
 蘧瑗 澹臺滅明 宓不齊 公冶長 公皙哀 高柴 樊須 商澤 巫馬施 顏辛 曹卣 公孫龍
 秦商 顏高 壤駟赤 石作蜀 公夏首 后處 奚容蒧 顏祖 句井疆 秦祖 縣成 公祖句茲
 燕伋 樂欬 狄黑 孔忠 公西葳 顏之僕 施之常 申枏 左邱明 秦冉 公明儀 公都
 公孫丑 張載 程頤 西廡

先

公羊高 伏勝 毛亨 孔安國 后蒼 鄭康成 許慎 范甯 陸贄 范仲淹 歐陽修 司馬光
 謝良佐 呂大臨 羅從彥 李綱 張栻 陸九淵 陳淳 眞德秀 何基 文天祥 趙復
 金履祥 陳澧 方孝孺 薛瑄 胡居仁 羅欽順 呂棣 劉宗周 孫奇逢 張履祥 陸隴其

儒

張伯行 東廡
 穀梁赤 高堂生 董仲舒 劉德 毛萇 杜子春 竇葛亮 王通 韓愈 胡瑗 韓琦 楊時 游酢
 尹淳 胡安國 李侗 呂祖謙 袁燮 黃幹 輔廣 蔡沈 魏了翁 王柏 陸秀夫 許衡 吳澄
 許謙 曹端 陳獻章 蔡清 王守仁 呂坤 黃道周 陸世儀 湯斌 西廡 後入祀者候載

崇
 聖
 祠

肇聖木金父 裕聖新父 詒聖防叔 昌聖伯夏 啓聖叔梁訖 正中
 先賢孔孟皮 顏無繇 孔鯉 東配 曾點 孟孫激 西配
 先儒 周輔臣 程璣 東廡 張道 朱松 蔡元定 西廡

暨之大同子溫厲時中華民國六年八月二十七孔子聖誕日

至聖先師孔子年攷

孔子名丘字仲尼其先殷人以襄公二十二年庚戌十月庚子日生有聖德少好禮魯陳
俎豆設禮容及長爲委吏料量平爲司職更畜蕃息年二十二始教闕里昭公十七年至聖先師孔子年攷
來朝孔子問官又學琴於師襄子習其數知其志得其爲人師襄子避席拱手起曰子聖人也魯君賜孔子一車兩馬豎子侍御令敬叔與俱至周問禮老聃訪樂萇宏觀於明堂入后稷廟觀金人三緘其口而銘其背反魯弟子稍進昭公二十五年三家攻昭公魯亂孔子適齊與景公語預識釐王廟災在齊聞韶三月不知肉味再與公論政大悅欲以尼谿田封孔子晏嬰阻之孔子反魯定公初年陽虎作亂孔子退修詩書禮樂弟子益進九年孔子年五十一定公以孔子爲中都宰制爲生養之道長幼異食強弱異任男女別途路不拾遺器不雕僞市不二價其送死制爲四寸棺五寸槨因邱陵爲墳不封不樹行之一年四方則之遂爲司寇有父子訟者同狴執之三月不別其父請止赦之自是法設不用國無奸民十年相定公會齊侯於夾谷齊人歸魯侵地十四年孔子年五十六攝行相事誅少正卯與聞國政三月魯大治齊人餽女樂阻之郊亦不致驩俎於大夫孔子行去適衛過匡適宋適陳繼反



衛靈公不能用管。趙氏家臣佛肸召。欲往。不果。將西。見趙簡子。至河而反。息陬。鄉作息陬。操又至。衛主蘧伯玉家。因靈公問陳。去如陳。季康子欲召孔子。已召冉求。孔子去。陳如蔡及葉。楚昭公欲以書社地封孔子。子西止之。又反。衛欲使爲政。而冉求於齊。戰有功。康子再召孔子。孔子乃歸魯。時年已六十八矣。然魯終不能用孔子。乃叙書定禮。剛詩正樂。傳易辭。及說序雜卦。立萬世道統之宗。弟子蓋三千焉。身通六藝者七十二人。十四年魯西狩獲麟。孔子作春秋。十六年壬戌四月己丑。孔子卒。年七十三。弟子皆服心喪三年。弟子及魯人即家旁家者百數。因名曰孔里。漢高帝以太宰祀闕里。天下始尊孔。

明帝永平二年詔學校皆祀周公孔子十五年幸闕里祀孔子及七十二弟子靈帝置鴻都門學畫先聖及七十二弟子像魏齊王正始七年釋奠辟雍北魏孝文帝太和十六年修拜謁禮後敕有司薦享隋文帝開皇初制國學州縣學春秋釋奠唐高祖武德二年詔分立周孔廟太宗貞觀四年詔州縣立廟致祭以左邱明等配宋太祖詔文廟門立戟十六真宗咸平三年諡元聖文宣王大中祥符二年定州縣禮器數仁宗至和二年封孔子後衍聖公元世祖始詔諸儒行禮武宗追諡大成至聖文宣王明太祖洪武二年更定釋奠孔子祭器禮

物頌天下嘉靖九年更諡至聖先師孔子用木主清順治二年定諡爲大成至聖文宣先師孔子十四年改諡爲至聖先師孔子春秋上丁釋奠民國初仍行春秋上丁釋奠禮於八月二十七日各界開慶誕大會

中華民國六年九月日大同子溫厲時中謹著攷於晉陽

四配年攷

復聖顏子名回字子淵其先黃帝孫晏安國於郟武公名夷甫字伯顏子友封郟以顏爲氏世爲魯卿大夫至路生回爲孔子弟子好學樂道孔子屢稱之不遷不貳不違如愚又問爲邦夫子以虞夏商周禮樂制度告之一日定公問東郭畢善御於顏子顏子曰馬必佚公曰何故對曰昔堯舜巧於使民造父巧於使馬不窮其力也故舜無佚民造父無佚馬今東郭畢升車執轡御體正步驟馳騁朝禮畢歷險致遠馬力盡力盡猶求馬不已以此知之公曰子之言其義大矣願少進對曰鳥窮則啄獸窮則攫人窮則詐馬窮則佚自古及今未有窮其下而能無危者公善之其爲人不伐善不施勞克已復禮幾於聖人年三十二卒唐封兗公宗贈兗國公元封復聖公明去公爵稱復聖顏子清仍之

宗聖曾子名參字子輿氏南武城人其先鄪子之後莒人滅鄪去日爲曾世氏曾至哲生參爲孔子弟子性魯日三省身得聖人一貫之道門人問之曰夫子之道忠恕二字而已又至孝孔子授以孝經嘗南游楚得尊官堂高九仞櫬三尺殷轂百乘猶北向而泣悲不見親也述孔子大學聖經作大學年七十卒唐封邲伯宋封邲國公明去公爵稱宗聖曾子清仍稱宗聖曾子

述聖子思子名伋幼侍孔子得聞中庸之道一日夫子喟然而歎子思請曰意子孫不修將忝祖乎羨堯舜之道恨不及乎夫子曰爾孺子安知吾志對曰伋聞夫子之教其父析薪其子弗克負荷是謂不肖每思之所以大恐而不解也孔子欣然曰吾無憂矣嘗在魯告穆公惠百姓除非法奪嬖寵室祿以賜窮困以周公伯禽之治爲法公甚禮之欲以爲相後居衛薦苟變才堪將五百乘勿以二卵棄干城又戒國是日非君出言自以爲是卿大夫莫矯其非卿大夫出言自以爲是士庶人莫矯其非君臣同聲莫知順逆善安從生君然之反魯教授其徒數百人而述夫天子天命之性率性之道修道之教之旨作中庸而傳於孟子宋封沂國公明去公爵稱述聖子思子清仍稱述聖子思子

亞聖孟子名軻字子輿鄒人魯公族後父孟孫激字公宜激夫人仇氏生孟子三歲父卒母三遷訓子斷機勸學受業子思門人得孔子之道應魏聘見惠王稱說仁義公其利於國同其樂於民道德純粹立萬世民貴之說由梁適齊見齊宣王時用孫子田忌以尙武孟子勸以樂民之樂憂民之憂樂以天下憂以天下又曰樂天者保天下畏天者保其國仁者樂天智者畏天又陳公劉太王好貨好色之道而宣王不能用去之滕立學校明人倫行井田定世祿善稱堯舜以爲世法當是時孫田之兵法雄天下楊墨之邪說橫天下孟子布衣仔肩大道紹述孔子起而正人心維世道息邪距跛放淫爲己任退而與萬章公孫丑序詩書以述仲尼之意自記其與時君問對及與其徒問答之辭爲孟子七篇周顯王二十六年十一月十五日年八十四卒子仲子孫墨墨子萬萬子舒爲漢雲中太守即今大同舒子之後之後子昭文帝博士昭子但武帝太子門大人但子卿以禮授后蒼及大小戴以授疏廣自漢迄元子孫以世顯至明英宗贈克仁世襲翰林院五經博士迄清乾隆間衍泰子毓瀚世襲計六十世宋元豐六年封鄒國公立孟子廟元封亞聖公明清均稱亞聖孟子配饗孔子

中華民國六年九月九日大同厲時中謹著攷於晉陽

十二哲年攷

閔子名損字子騫魯人事後母以孝稱初見夫子有菜色後有藟參色子貢問之曰吾內聞夫子孝悌與王法之說出見羽蓋龍旂旒裘相隨之樂兩相攻於胸中而不能任是以有菜色今賴夫子之教二三子之切磋內明去就之義視羽蓋龍旂旒裘之物如壇土是以有藟參色爲人不仕大夫不食污祿夫子以君子稱之與顏淵同列德行云唐開元二十七年贈費侯宋大中祥符二年追封瑯邪公咸淳三年加封費公明嘉靖九年稱先賢閔子去封爵清仍之

冉子魯雍字仲弓魯人伯牛之族父賤行惡而不能掩其德孔子稱其可使南面又曰雍也仁而不佞與顏淵同列德行唐贈薛侯宋封薛公明稱先賢冉子清仍之

端木子名賜字子貢衛人以言語稱多學而識得聞一貫之傳嘗結駟連騎幣交諸侯分庭抗禮譽揚夫子溫良恭儉讓之盛德以感動時君一日齊景公問仲尼於子貢對曰賜終身戴天不知天之高終身履地不知地之厚賜於仲尼若杓飲江海滿腹而去安知江海之深乎臧孫行猛政子貢曰政猶張琴瑟大絃急小絃絕矣子產相鄭有大略者不聞其短有厚

德者不非小疵推賢譽能而鄭治今汝病而人賀子愈人又懼何哉臧孫慚東郭亥欲攻田氏子貢曰位卑圖大非子任也姑已之東郭亥跪而謝之蓋賜以文章著稱又善語言而事賢友仁達於從政者終於齊唐始贈黎侯宋封黎公明稱先賢端木子清仍之

仲子名由字子路卞人好英雄冠劍佩孔子自有由惡言不入於耳初仕季氏後爲蒲邑大夫恭敬以信忠信以寬明察以斷而蒲治嘗爲親負米百里親沒南游楚積粟萬鍾泣思爲負米而不得夫子稱之死於衛蒯賸之難唐贈衛侯宋追封河內公加封衛公明稱先賢仲子清仍之

卜子名商字子夏衛人通詩作詩序文學著稱嘗問書大義子曰帝典觀美禹謨禹貢觀事皋陶益稷觀政洪範觀度泰誓觀義五誥觀仁甫刑觀誠通此七者書之義備以春秋屬之子夏傳門人公穀又傳禮即毛詩學亦推本子夏云唐贈衛侯宋加封衛公明稱先賢清仍稱先賢卜子

有子名若字子若魯人強識好古道以孝弟爲仁之本孟子稱有聖人之體又孔子弟子中唯有若之言似夫子魯論記有子論禮之用孟子記有若論夫子生民未有史記吳伐魯次

泗上。微虎。宵攻。吳子。聞有子與焉。一夕。三遷。唐贈卞伯宋追封平陰侯。明稱先賢。清乾隆三年。升配大成殿。十一哲東序。卜子之次。稱先賢有子。

冉子名耕。字伯牛。魯人以德行稱。危言正行。嘗爲中都宰。遭惡疾。魯論記伯牛有疾。子問之。自牖執其手。云。唐贈卞侯。宋封鄆公。明稱先賢。冉子清仍之。

宰子名予。字子我。魯人有口才。爲孔子使於楚。昭王囚子我。遣孔子安車象飾。子我曰。夫子貴德。尙義。清素好儉。道行樂。其志不行樂。其身無以此爲也。歸以告夫子。夫子以爲言之實。唐贈齊侯。宋封齊公。明稱先賢。宰子清仍之。

冉子名求。字子有。魯人以才藝稱。魯論季康子問從政有求也。藝與從政乎。何有。語嘗爲季氏宰。齊國書高無平帥師伐魯。及清求帥右師戰。獲甲首八十。請追之。季孫弗許。冉有用矛克之。唐贈徐侯。宋封徐公。明稱先賢。冉子清仍稱先賢。冉子。

言子名偃。字子游。吳人有文學。爲武城宰。有絃歌之聲。能以禮樂化民。而得人以治邑者。一日。季康子問夫子與子產偃曰。浸水之及民。皆知之。膏雨之普民。無識其由來。在聖門學道。愛人君子也。與子夏同稱。唐封吳侯。明稱先賢。言子清仍之。

顯孫子名師字子張陳人魯論記子張問行忠信篤敬蠻貊可行書紳之語又記問善人之道及問聞斯行問從政問達之語蓋子張才質過人聖人裁成之合於中道者唐贈陳伯宋以曾子配饗升封張爲十哲加封陳國公明稱先賢顯孫子清仍之

朱子名熹字元晦婺源人甫能言父松指天示之熹問天之上何物父奇之就傳授孝經題曰不若是非人也爲兒時以指畫沙成八卦年十八貢於鄉舉進士職學事與邑俊講聖賢道孝宗詔求直言上封事言學必格物致知然後意誠心正應天下之務次言修攘大計次言生民休戚復召對議與金和不合後屢薦不至會浙東飢上七事時鄭丙詆程氏學沮朱子指道學爲邪氣退而取嫁娶喪葬儀以訓俗甯宗立除煥章閣待制兼侍講每以所講編帙以進時趙汝愚被逐朝廷用韓侂冑二年沈繼祖誣劾罷職六年七十一卒遺屬黃幹修遺書計仕僅九考立朝四十日論時事皆關世道人心在外講學一以正心誠意爲主卒得道統之傳諡曰文寶慶二年贈太師追封信國公改徽國公淳祐元年正月上視學手詔以周張二程及熹從祀孔子廟明崇禎十五年稱先賢位七十子下清康熙五十一年升配大成殿東序卜子商之次稱先賢朱子而不名乾隆三年又以有若升配爲十二哲移朱子於

至聖先師四配十二哲年表攷

西序顯孫子之次民國仍前制

中華民國六年九月九日大同厲時中謹著考於晉陽



十

子溫厲時中謹攷

先賢儒從祀年攷

子溫厲時中

公孫僑

先賢公孫僑字子產鄭之大夫夫子稱其有君子之道四其行己也恭其事上也敬其養民也惠其使民也義清威豐六年從祀

時中謹攷子產事實備詳左氏春秋傳又家語孔子云子產於民爲惠主於學爲博物故吾兄事之而加愛敬其卒也仲尼聞之出涕曰古之遺愛也蓋春秋列國時內治外交能不辱國者鄭大夫公孫僑也從祀在威豐六年位西廡林放上

林放

先賢林放字子邱魯人唐開元從祀

時中謹攷子邱事實見於魯論有問禮之本夫子大之又告以禮與其奢也寧儉喪與其易也寧戚又稱泰山不如林放見冉有不能救季氏旅泰山事文廟通考稱放魯人孔子門人泰安府東南百八十里有放城集相傳爲林放故里唐開元二十七年贈清河伯宋大中祥符二年封長山侯從祀孔子廟明嘉靖九年去封爵罷祀祀於鄉清雍正二年復

祀稱先賢。

原憲

先賢原憲字子思魯人孔子弟子嘗問恥夫子告以邦有道穀恥也邦無道穀恥也又嘗爲宰辭九百之粟夫子告以與爾鄰里鄉黨蓋廉而有守者唐開元中從祀。

時中謹考憲爲人清靜守節貧而樂道孔子爲魯司寇曾爲之宰孔子卒隱居於衛時子貢相衛結駟連騎過謝原憲憲攝敝衣冠見之賜曰夫子豈病乎憲曰吾聞之無財者謂之貧學道不能行者謂之病若憲貧也非病也唐贈原伯宋封任城侯明稱先賢清仍之。

南宮适

先賢南宮适字子容唐開元中從祀。

時中謹考适家語作緇史記作括文廟通考子容一稱南容又稱南宮敬叔魯人孟僖子之子仲孫閱也居南宮因氏焉以父命學於孔子三復白圭孔子以其兄之子妻之又問羿善射彘盪丹俱不得其死然禹稷躬稼而有天下夫子稱君子哉若人尙德哉若人又稱邦有道不廢邦無道免於刑戮蓋克謹於言行者唐贈郟伯宋封汝陽侯明稱先賢清

仍之。

商瞿

先賢商瞿字子木魯人唐開元中從祀。

時中謹考瞿字子木少孔子二十九歲嘗受易於孔子傳楚人駐臂子弓累傳至漢儒皆本之瞿蓋受易而親得其傳者唐贈蒙伯宋封須昌侯明稱先賢清仍之。

漆雕開

先賢漆雕開字子開論語云子使漆雕開仕對曰吾斯之未能信子說唐開元中從祀。

時中謹考開一字子若蔡人一作魯人少孔子十一歲習尙書不樂仕蓋通經致用而信道篤不甘躁進者唐贈滕伯宋封平輿侯明稱先賢清仍之。

司馬耕

先賢司馬耕字子牛宋人通考云宋向戌之曾孫桓公之後也世爲宋司馬兄弟五人唐開元中從祀。

時中謹考耕一名藜耕字子牛一云子牢宋人多言而躁其兄向魑作亂奔衛乃置其邑。

與珪而適齊。魍自衛入齊。陳文子使爲次。卿又致其邑而適吳。吳人惡之。乃反。趙簡子召之。陳成子亦召之。卒於魯郭門之外。阮氏葬。諸邱與又魯論記牛常憂無兄弟。夫子告以敬而勿失。與人恭而有禮。四海之內皆兄弟也。又問仁。則告以仁者其言也詎。蓋警牛之躁言而廣兄弟之量焉。唐贈向伯宋封睢陽侯。明稱先賢。清仍之。

梁鱣

先賢梁鱣字叔魚。少孔子二十九歲。家語云齊人。唐開元中從祀。

時中謹考鱣一云名鯉。一云名仲。唐贈梁伯一作趙伯。宋封于乘侯。明稱先賢。清仍之。

冉孺

先賢冉孺字子魯。少孔子五十歲。家語云字子魚。魯一作魚。唐開元中從祀。

時中謹考孺一云名儒。唐贈郃伯一作紀伯。宋封臨沂侯。明稱先賢。清封爵名號仍舊。

伯虔

先賢伯虔字子析。家語子析少孔子五十歲。唐開元中從祀。

時中謹考虔一作伯處。魯人。唐贈鄒伯一作駢伯。又作聊侯。宋封沐陽侯。明稱先賢。清廟。

廡木主仍書先賢伯虔

冉季

先賢冉季字子產一字子達鄭康成云魯人唐開元中從祀

時中謹考冉季封爵年號唐贈東平伯宋封都城侯明稱先賢清仍稱先賢

漆雕徒父

先賢漆雕徒父字子友魯人家語云漆雕從字子文唐開元中從祀

時中謹考徒父字子有其封爵年號唐贈須句伯宋封高苑侯明稱先賢清代仍稱先賢

漆雕哆

先賢漆雕哆字子歛鄭康成云魯人唐開元中從祀

時中謹考哆一云名侈字子歛一作子敏其封爵年號唐贈武城伯宋封濮陽侯明稱先

賢清仍稱先賢

公西赤

先賢公西赤字子華魯人少孔子四十二歲弟子行云齋莊而能肅志通而好禮儻相兩君

之事篤雅有節是赤之行也唐開元中從祀

時中謹考子華事實見魯論有宗廟之事如會同端章甫願爲小相是有志禮樂者夫子稱其束帶立朝可使與賓客言蓋好尚禮文而溫雅有道君子焉唐贈邵伯宋封鉅野侯明稱先賢清仍之位

任不齊

先賢任不齊字選楚人唐開元中從祀

時中謹考任不齊字子選楚人唐贈任城伯宋封當陽侯明稱先賢清仍之位

公良孺

先賢公良孺字子正陳人唐開元中從祀

時中謹考孺一云名孺孔子去陳適衛過蒲會公叔氏以蒲畔止孔子時子正以私車五乘從謂曰昔吾與夫子遇難於匡今又遇難於此命也已吾與夫子再懼難甯鬪而死門甚疾蒲人懼乃要盟母適衛而出孔子唐贈東牟伯宋封牟平侯明稱先賢清仍之位

公肩定

先賢公肩定字子中肩一作堅家語作公賓字子中鄭康成云魯人唐開元中從祀
時中謹考公肩定一作公肩一作公有一作公堅定字子中唐贈新田伯宋追贈梁父侯
明稱先賢清仍之廟廡木主正書公肩定

鄆單

先賢鄆單字子家魯人家語不載徐廣云一作鄆衆唐開元中從祀
時中謹考鄆單音臬善鉅鹿有鄆縣一作鄆單鄆音烏太原有鄆縣按此宜以鄆爲是字
子家史記有家語無魯人唐贈銅鞮伯宋封聊城侯明稱先賢清仍之廟廡木主正書鄆
單

榮旂

先賢榮旂字子祺家語作旂魯人唐開元中從祀
時中謹考旂一云名祈字子祺一作子顏魯人唐贈零婁伯宋封厭次侯明稱先賢清仍
之廟廡木主正書榮旂

罕父黑

先賢。罕。父。黑。字。子。索。唐。開。元。中。從。祀。

時中謹考大清會典闕里志俱作罕父黑家語作宰父黑字子索有作子黑者有作子素者氏族略則無罕父氏有宰父氏注云孔子弟子宰父黑今依闕里志大清會典書罕父黑魯人唐贈乘邱伯宋封杞卿侯明稱先賢

左人郢

先賢。左。人。郢。通。志。略。作。左。人。複。姓。以。官。爲。氏。也。鄭。康。成。云。魯。人。唐。開。元。中。從。祀。

時中謹考左人郢一云左郢字行一作子行一作子衡魯人路史云左人氏黃帝子夷彭之後唐贈臨淄伯宋封南華侯明稱先賢清仍之廟廡木主書左人郢爲正

鄭國

先賢。鄭。國。字。子。從。魯。人。家。語。云。薛。邦。字。子。從。唐。開。元。中。從。祀。

時中謹考鄭國家語作薛邦或云鄭國薛邦實兩人史記正義云太史公避高祖諱改邦作國薛與鄭傳寫誤耳一說字子徒一作子從魯人唐贈滎陽伯宋封胸山侯明稱先賢清廟廡木主仍書鄭國爲正

原亢

先賢原亢字子籍魯人唐開元中從祀

時中謹考史記作原亢籍名亢字籍也家語作原桃字子籍古本家語作原亢宋史禮志作原抗魯人唐贈萊蕪伯宋封樂平侯明稱先賢清仍之廟廡木主書原亢爲正

廉潔

先賢廉潔字子庸衛人唐開元中從祀

時中謹考潔一云名絜字庸一作子庸一作子曹衛人唐贈莒父伯宋封胙城侯明稱先賢清仍之廟廡木主仍正書廉潔

叔仲會

先賢叔仲會字子期魯人少孔子五十歲唐開元中從祀

時中謹考會一云名噲魯人一作晉人少孔子五十四歲一云五十歲與孔氏族名璡者年相比二孺子俱執筆送侍於夫子孟武伯見孔子而問曰此二孺子之幼也於學豈能盡識於壯者哉孔子曰然少成若天性習慣如自然也唐贈瑕邱伯宋封博平侯明稱先

賢。清。仍。之。廟。廡。木。主。仍。正。書。叔。仲。會。

公西與如

先賢公西與如字子上魯人家語與作與無如字唐開元中從祀

時中謹考公西與如一云名與字子上魯人唐贈重邱伯宋封臨胸侯明稱先賢清仍之廟廡木主正書公西與如

邾巽

先賢邾巽字子歛魯人文翁圖作國選謂原姓邾避高祖諱改邾作邾字也唐開元中從祀時中謹考邾選一作國選一作邾巽字子歛一作子歛魯人唐贈平陸伯宋封高堂侯明稱先賢清仍之廟廡木主正書邾巽

陳亢

先賢陳亢字子亢一字子禽少孔子四十歲唐開元中從祀

時中謹考魯論有子禽問子貢曰夫子至是邦必聞其政之語或有稱是子貢弟子家語有史記無魯論又記有陳亢問伯魚聞詩聞禮云云唐贈汝陽伯宋封鄆城侯明稱先賢

清仍之。

琴旂

先賢琴旂。史記云：衛人字子開，一字子張。唐開元中從祀。

時中謹考：琴旂一作琴牢。見論語有牢，曰：子云吾不仕故藝之語。又孟子有琴張曾皙。牧皮者孔子之所謂狂也。唐贈南陸伯宋封頓邱侯，改封陽平侯。明稱先賢清廟。廡木主仍正書琴張。

步叔乘

先賢步叔乘。字子車。魯人。唐開元中從祀。

時中謹考：步叔乘一作少叔乘。字子車。齊人。唐贈淳于伯。宋封博昌侯。明稱先賢清廟。廡木主仍正書步叔乘。

秦非

先賢秦非。字子之家。語所載亦同。唐開元中從祀。

時中謹考：秦非魯人。唐贈汧陽伯。宋封華陽侯。明稱先賢清廟。廡木主仍正書秦非。

顏噲

先賢顏噲字子聲魯人唐開元中從祀

時中謹考顏噲從祀孔子廟在開元中贈朱虛伯宋封濟陰侯明稱先賢見通考清仍稱先賢

顏何

先賢顏何字子冉魯人唐開元中從祀

時中謹考子冉魯人一作晉人古本家語及史記有今本家語無明嘉靖九年正祀典張聰引程敏之議以家語不載當是今本也唐贈開陽伯宋封堂邑侯明罷祀清雍正二年復祀稱先賢

縣亶

先賢縣亶家語云字子象唐宋封爵皆不及焉禮記檀弓有縣子象其人者史記有鄒單而無縣亶家語有縣亶而無鄒單亶單同音定爲一人故祀典不與焉清雍正年從祀

時中謹考縣亶一作縣豐一作縣亶父字子象魯人唐宋封爵皆無說見通考清雍正二

年增祀稱先賢廟廡木主正書縣廩

牧皮

先賢牧皮力牧之後見孟子七篇趙岐曰牧皮事孔子學者與琴張曾皙爲友孔子之所謂
狂也清雍正二年從祀

時中謹考牧皮名見孟子事實不詳家語史記亦無唐宋封爵亦未及清雍正二年始增
祀稱先賢廟廡木主正書牧皮

樂正克

先賢樂正克孟子弟子孟子稱爲善人信人稱其好善詳見孟子七篇宋政和五年詔配製
鄒邑孟子廟雍正二年從祀

時中謹考樂正子有從子敖之齊之事孟子責之而克自悔罪又嘗問信善孟子告以有
諸己之謂信可欲之謂善而充之以美大化神蓋好善而姿質純美者又魯欲使樂正子
爲政孟子聞之喜而不寐宋政和五年封利國侯配享鄒邑孟子廟清雍正二年從祀孔
子廟稱先賢仍配享曲阜及鄒縣孟廟

萬章

先賢萬章孟子弟子史記孟子列傳云是以所如不合退而與萬章之徒序詩書述仲尼之意作孟子七篇趙岐亦云孟子既沒其徒萬章公孫丑相與記其言宋政和五年詔配享鄒

呂孟子廟清雍正二年從祀

時中謹考萬章事實見孟子書中甚詳其與孟子問對開章卽問舜往於田繼問舜不告而娶云云具見敦倫重道至意學於孟子而得聖人之道者宋政和五年封博興伯從祀孟子廟清雍正二年從祀孔廟稱先賢升配饗孟廟

周敦頤

先賢周敦頤字茂叔宋湖廣道州營道人原名敦實著通書四十篇發明太極之蘊序者謂其言約而道大文質而義精得孔聖之本原大有功於學者也嘉定十三年賜諡元公淳祐元年封汝南伯從祀孔子廟廷二子壽燾官寶文閣待制明景泰七年詔世襲翰林院五經博士崇禎十三年詔改稱先賢升序今位

時中謹考周敦頤原名敦實避英宗舊諱改焉其學發明無極而太極之理開有宋一代

道學之先。初主簿分甯。調南安軍司理參軍。遷彬之桂陽。令治績久著。郡守李初平賢之。語之曰。吾欲讀書。何如。敦頤曰。公老無及焉。請爲公言之。二年果有得。徒知南昌部使者。趙忭惑於譖口。敦頤超然也。通判虔州忭守虔。熟視其所爲。乃大悟。執其手曰。吾幾失君。今而後識君也。熙甯初。爲廣東轉運判官。提點刑獄。以洗冤澤物爲己任。後因疾求知南康軍。因家廬山蓮花峯前。有溪合於湓江。取營道所居蓮溪以名之。忭再鎮蜀。將奏用之。未及而卒。年五十七。黃庭堅稱其人品甚高。胸懷灑落。如光風霽月。著太極圖。又著通書四十篇。掾南安時。程珦通判軍事。視其人氣貌。非常人。與語知其爲學。知道使二子顥頤往受業。敦頤每令尋孔顏樂處。所樂何事。二程之學源流於此。頤之言曰。自再見周茂叔後。吟風弄月。以歸。有吾與點也之意。侯師聖學於程頤。未悟。訪敦頤。敦頤曰。吾老矣。不可不說。留對榻。夜談。越三日。乃還。頤驚異之。曰。非從周茂叔來耶。其善開發人類。此嘉定十三年。賜諡曰元公。淳祐元年。封汝南伯。從祀廟廷。明嘉靖九年。改稱先儒。崇禎十五年。稱先賢。位七十子下。清仍之。

程顥

先賢儒從祀年攷

十五

子溫厲時中謹攷

先賢程顥字伯淳河南人舉進士調鄆上元主簿遷晉城令民以事至縣者必告之以孝涕
忠信民愛之如父母熙寧初呂公爲太子中允監察御史裏行前後進說大要以正心窒欲
求賢育才爲務王安石厲行新法顥折之曰天下事非一家私議安石愧程昉治河虜用澶
卒顥曰彼逃死自歸弗納必亂若昉怒吾自任之即親往啓門拊勞約少休三日復役衆驩
踊曹村河決謂劉守渙曰曹村決京師可虞急命善泅者度決口引巨索濟衆兩岸並進數
日而合命知扶溝縣扶境無焚剽患王中正接閩保甲主吏來請顥曰吾邑貧安能效他邑
取民以侈供帳也哲宗立召爲宗正丞未行而卒年五十四嘉定十三年賜諡純公淳祐元
年從祀

時中謹考顥自十五六時與弟頤事周茂叔學乃厭科舉之習慨然有志求道蓋顥之父
珣通判軍事時所得知道友也初受業每令尋孔顏樂處所樂何事故顥之言曰自吾再
見周茂叔後吟風弄月以歸有吾與點也之意蓋其充養有道粹然和氣盡於面背其交
友數十年未嘗見忿怒臨事時雖倉卒不動聲色自秦漢前後學無有臻此詣者文彥博
采衆論題其墓曰明道先生淳祐元年從祀廟庭封豫國公明嘉靖九年改稱先儒崇禎

十五年稱先賢位七十子下清仍之

邵雍

先賢邵雍字堯夫河南人少時自雄其才慷慨欲樹功名於書無所不讀自號曰安樂先生熙寧十年卒年七十六贈秘書省著作即元祐中贈諡康節所著書曰皇極經世觀物內外篇漁樵問對詩曰伊川擊壤集子曰伯溫別有傳宋咸淳三年從祀明崇禎三年詔世襲翰林院五經博士十五年改詔稱先賢升序今位

時中謹考雍受業於北海李之才得河圖洛書宓義八卦六十四卦圖像妙悟神契洞徹蘊輿年高德邵著書十萬言行世初至洛躬樵爨事父母怡然自樂富弼司馬光呂公著諸賢退居洛中雅敬焉爲市園宅即耕以給衣食名其居曰安樂窩自號安樂先生出乘小車一人挽之惟意所適士大夫家識其車音爭相迎侯童孺喜相謂曰吾家先生至也不復稱姓字或留信宿乃去好事者別作屋如雍所居以候其至名曰行窩人知貴賤少長一接以誠熙寧行新法門生故友皆訪雍雍曰此賢者盡力時新法固嚴能寬一分民受一分賜河南程顥與論學終日歎曰內聖外王之學也而至誠前知真神明於道德者

元祐中謚康節。端平二年從祀廟廷。見文廟通考。咸淳三年封新安伯。明嘉靖九年改稱先儒。崇禎十五年改稱先賢。位七十子下。

以上東廡先賢

公羊高

先儒公羊高。周末齊人。孔子作春秋。褒貶義意不可具書。故口授弟子以傳。傳者各異其說。惟授子夏者傳於公羊。盡得其學。作春秋解經。辨惑多所發明。齊名左穀。唐貞觀二十一年從祀。

時中謹考。公羊受春秋於子夏爲傳。至董仲舒始顯於朝。四傳何休爲之解詁。其書遂大傳。唐貞觀二十一年以高配孔子廟。永徽中降從祀。宋大中祥符二年封臨淄伯。明嘉靖九年改稱先儒。清仍之。

伏勝

先儒伏勝。字子賤。濟南人。爲秦博士。孝文帝時求能治尙書者。天下無有。乃聞伏生能治。欲召之。是時伏生年九十餘。老不能行。於是乃召太常使掌故。鼂錯往受之。秦時焚書。伏生壁

藏之。其後兵大起流亡。漢定。求其書。亡數十篇。獨得二十九篇。即以教於齊魯之間。學者由是略能言尙書。唐貞觀二十一年從祀。

時中謹考。伏勝爲秦博士。常治尙書。秦下焚書令。勝藏尙書於壁中。漢既定。勝於亡書求得二十九篇。故凡言今文尙書者皆本勝云。唐貞觀二十一年從祀。廟庭。宋祥符二年封乘氏伯。明嘉靖九年改稱先儒。清仍之。

毛亨

先儒毛亨。年無考。受詩荀卿。以受其子毛萇。按史楚考烈王三十五年。荀卿廢蘭陵。距漢興三十二年。太平御覽引毛詩正義云。荀卿漢人。魯國毛亨。則是秦漢間人。同治六年從祀。

時中謹考。鄭氏詩譜云。毛亨魯人。大毛公爲訓詁傳於其家。河間獻王得而獻之。以小毛公爲博士。陸機毛詩草木蟲魚疏亦云。孔子刪詩授卜商。商爲之序。以授魯人曾申。申授魏人李克。克授魯人孟仲子。仲子授根牟子。根牟子授趙人荀卿。荀卿授魯國毛亨。毛亨作訓詁傳。以授趙國毛萇。時人謂亨爲大毛公。萇爲小毛公。鄭氏陸氏傳授毛詩淵源有自。皆以作傳者爲毛亨。世人因後漢書儒林傳云。趙人毛萇傳詩。隋書經籍志載毛詩二

十卷。漢河間太守毛萇傳。於是皆謂傳詩者爲毛萇。而不知其實出於毛亨也。按文廟通考毛亨從祀。在同治二年不在六年。

孔安國

先儒孔安國。字子國。漢兗州人。孔子有古文尙書。安國以今文讀之。因以起其家。唐貞觀二十二年從祀。

時中謹考安國。孔子十二世孫。少學詩於中。公受尙書於伏生。年四十爲諫議大夫。遷侍中。博士。繼爲臨淮太守。六年以病免。年六十卒。漢武帝時。魯恭王於孔壁中。得文古尙書。及禮論語孝經皆科斗文字。王又升孔子堂。聞琴瑟鐘鼓之音。於是懼。悉以書還孔氏。但科斗書廢已久。時人無能知者。安國乃考論古今文字。爲古文論語訓十一篇。孝經傳二篇。尙書傳五十八篇。皆所得壁中科斗本也。又集錄孔子家語爲四十四篇。旣成。會值巫蠱事。寢不施行。唐從祀。宋封曲阜伯。改稱先儒。清仍之。

后蒼

先儒后蒼。字近君。東海鄰人也。漢書孟卿列傳云。孟卿東海人也。事蕭奮。以受后蒼魯瑕邱

刪蒼說禮數萬言。號后氏曲台記。授沛聞人通漢子方。梁戴德延君。戴聖次君。沛磨曹孝公。孝公爲東平太傅。德號大戴。爲信都太傅。聖號小戴。以博士論石渠至九江太守。由是禮有大戴小戴慶氏之學。明嘉靖九年。以后氏爲禮之宗。詔從祀。

時中謹考。后蒼始事夏侯始昌。通五經。尤通詩禮。爲博士。蒼說禮。號后氏曲臺記。今所傳禮記。大小戴所註也。明嘉靖九年從祀。稱先儒。清仍之。

鄭康成

先儒鄭康成。北海高密人。受業於馬融門下。三年不得見。會融集諸生。考論圖緯。聞元善算。乃召見於樓上。元因從質諸疑義。問畢辭歸。卒年七十四。元所著周易尙書。毛詩儀禮。禮記論語。孝經尙書。大傳。中候。乾家歷。又著天文七政論。魯禘祫義。六藝論。毛詩譜。駁許慎五經異文。答臨孝存周禮傳。凡百餘萬言。唐貞觀二十一年從祀。明嘉靖時請改祀於鄉。雍正二年從祀。

時中謹考。元游大學。事京兆第五元先。始通京氏易。公羊春秋三統歷。又善九章算術。後得東郡張恭祖。受周禮記左氏春秋。韓詩古文尙書。以山東無足問者。乃西入關。事扶風。

馬融。以善算得與。融考論圖經。及歸曰。吾道東矣。康成游學十餘年。家貧。客耕東萊。學徒已數十百人。及黨事起。被禁錮。遂隱修經業。時何休好公羊。著公羊墨守。左氏膏肓。穀梁廢疾。康成乃發墨守。鍼膏肓。起廢疾。休見而歎曰。康成入吾室。操吾矛。以伐我乎。初中興後。范升。陳元。李育。賈逵。之徒。爭論古今學。及康成答休。義據通深。由是古學遂明。靈帝末。黨禁解。何進辟之。州郡迫脅。不得已詣進。爲設几杖。禮待甚優。康成不受朝服。以幅巾見。時年六十。弟子千數。繼袁隗表爲侍中。以父喪辭。孔融屢造門。勅縣曰。昔齊置士鄉。越有君子軍。皆異賢意也。鄭君鄉。宜曰。鄭公鄉。可廣開門衢。令容高車。號通德門。後因黃巾避居徐州。牧陶謙師友禮之。建安初。旋高密。道遇黃巾數萬。賊知康成羅拜。約不入境。袁紹總兵冀州。紹延賓客大會。豪俊競設異端。百家互起。康成依方辯對。咸出問表。衆嗟服之。汝南應邵。前自贊曰。故泰山太守應仲遠。北面稱弟子。何如。康成笑曰。孔門四科。不稱官闕。紹舉康成茂才。表爲左中郎將。不就。公車徵爲大司農。給安車一乘。以老乞還。五年卒。年七十四。自郡守以下受業者。纒經千餘人。所注周易尙書。毛詩周禮儀禮。記論語。孝經及諸雜著。凡百餘萬言。其答諸弟子問五經義者。門人又相與依論語撰爲鄭志八

篇。唐從祀。宋封高密伯。明改祀於鄉。清雍正二年復祀。稱先儒。

許慎

先儒許慎。漢太尉。內閣祭酒。生東京中葉。受學於賈逵。著說文解字十四篇。五百四十部。九千三百五十三文。考篆文合以古籀。得以溯六藝之原。先聖創造之意。於今未泯者。賴有此書存焉。清光緒二年從祀。

時中謹考慎仕南閣祭酒。見許氏說文。其學能爲篆文古籀之解釋。漢書儒林傳稱其性博。克追六藝淵源。唐宋封爵無。清光緒二年從祀。

范甯

先儒范甯字玉子。晉鄆陵人。既免官家於丹陽。猶勤經學。終年不輟。年七十三卒於家。初甯以春秋穀梁氏未有善釋。遂沈思集慮爲之集解。既而徐邈復爲之注。世亦稱之。子泰。元熙中爲護軍將軍。唐貞觀三十一年從祀。明嘉靖九年改祀於鄉。清雍正二年復祀。

時中謹考范甯字武子。晉河南南陽人。父汪博學。善談名理。寧多所通覽。當時之弊游辭。浮說。波蕩後生。蔑棄典文。不遵禮度。甯謂王弼何晏之說。煽之也。簡文將辟甯。桓溫阻之。

後爲餘杭令。興學校。期年。文風啓。遷臨淮太守。封陽遂鄉侯。徵拜中書侍郎。甯直言無隱。王國寶甯甥也。詔事會稽王道子。懼甯不見容。疏隔之。甯求出爲豫章太守。前豫章守多不利。帝曰。甯何以身試死耶。甯不爲意。固請行。臨發。猶疏言。調役勞擾之弊。尋詔公卿收守議得失。甯復陳時政數事。帝善之。在郡大設庠序。采交州磬石佐學用。王凝劾其專。抵罪。子泰棄官稱訴。會赦。免。家於丹陽。猶勤經學。終年不輟。年六十三卒。著毀梁集解。唐從祀。宋封新野伯。明改祀於鄉。清雍正二年復祀。稱先儒。

陸贄

先儒陸贄。字敬輿。蘇州嘉興人。年十八第進士。中博學鴻詞。贄論疏數十百篇。譏陳時弊。皆本仁義。可爲後世法。監察英傑。稟請奉上論。於道光六年從祀。

時中謹考贄年十八舉進士。又中博學鴻詞。書判拔萃二科。歷鄭縣渭南尉。遷監察御史。德宗立。召爲翰林學士。朱泚之亂。從幸奉天。時徵發書詔。日數十下。皆出贄手。嘗與帝論致寇之由。皆羣臣罪。又上疏諫去諸道貢獻物。帝即納之。李懷光反。帝徙幸梁。有獻瓜果者。欲官之。贄曰。爵位宜慎。賜以錢帛可也。帝居艱難。以爲內相。行止與俱。山南道險。從官

相失。帝夜召贄不得。驚且泣。詔軍中得贄者與千金。久之至。帝大喜。太子以下皆賀。然贄多直諫。忤帝意。且極言盧杞姦邪。致亂。及京師平。帝命贄草詔。賜渾瑊使訪求奉天所失內人。贄曰。今瘡痍之卒。尙未拊循。首訪婦人。非所以副維新之望。貞元七年。罷學士。以兵部侍郎。知貢舉。於進士中得韓愈。爲唐代一人。明年。拜中書侍郎。同平章事。益以天下爲己任。帝以裴延齡判度支。贄上書五千言。數其罪。帝不悅。趙憬之入相也。贄引之。贄約憬在帝前。論延齡姦。帝怒。罷贄爲太子賓客。延齡以贄搖動。望怨軍心。帝發怒欲誅贄。賴陽城等交章論救。乃貶忠州別駕。順宗立。召還。未至卒。年五十二。諡曰宣。贄秉性忠直。學術醇正。指陳時病。洞若觀火。皆本仁祖義而出之。以故奏議剴切精當。名政治第一書。咸傳於世。宋明封爵無。清道光六年。始從祀稱先儒。

范仲淹

先賢范仲淹。字希文。唐宰相履永之後。其先邠州人。後徙家江南。遂爲吳縣人。年六十四卒。贈兵部尙書。諡文正。按宋代人物。以范文正爲第一。清康熙五十四年。從祀。

時中謹考希文二歲而孤。既長。知其世系。辭母之應。天依戚同文學。晝夜不輟。食糜粥。人

不堪。仲淹不苦也。舉進士還姓范。名仲淹。汎通六經。長於易學。者從之。每感激論天下事。奮不顧身。一時士大夫。矯厲風節。自仲淹倡。天聖七年。上疏。請太后還政。不報。太后崩。言事者多暴。太后時事。仲淹曰。宜掩小故。以全后德。大蝗旱。江淮京東。遣使循行。未報。帝惻然。命仲淹安撫所至。開倉賑救。并條上救弊十事。上百官圖。指其序次。論建都事。明其利害。後與呂夷簡不合。而朋黨禍生矣。元昊反。召爲天章閣待制。知永興軍。改陝西都轉運使。進龍圖閣直學士。延州諸砦多失守。仲淹請備邊分兵爲六路。訓練之。諸路用以爲法。夏人相戒曰。無以延州爲意。小范老子。胸有數萬甲兵。仲淹定保障。通斥侯。城十二砦。於是羌漢之民歸業。城大順城。而白豹。金湯賊不敢犯。元昊請和。召拜樞密副使。復除參知政事。會王倫寇淮南。州縣官有不能守者。案誅之。仲淹曰。平時諱言武備。寇至專責手臣。可乎。得不誅。退而上十事。一。明黜陟。二。抑僥倖。三。精貢舉。四。擇長官。五。均公田。六。厚農桑。七。修武備。八。推恩信。九重命令。十。減徭役。悉採用之。中外傾嚮。會邊陲有警。與富弼請行。邊而朋黨攻之。仲淹自請罷政事。乃以陝西宣撫使知邠州。其在中書所施行。亦停沮。會病。請穎州。未至而卒。年六十四。贈兵部尚書。諡文正。帝爲書碑曰。褒賢之碑。邠慶二州之

民與屬羌皆畫像立生祠。清康熙五十四年從祀。稱先賢。

歐陽修

先儒歐陽修。字永叔。廬陵人。熙寧四年以太子少保致仕。五年卒。贈太子太師。諡文忠。修在滁州號醉翁。晚更號六一居士。好古嗜學。凡周漢以降金石遺文。斷簡殘編。一切掇拾。研究異同。立說於左。的可表證。謂之集古錄。奉詔修唐書紀志表。自撰五代史記。法嚴詞約。多取春秋遺旨。蘇軾錄其文曰。論大道似韓愈。論事似陸贄。記事似司馬遷。詩賦似李白。識者以爲知言。端平二年從祀。旋罷。明嘉靖九年復祀。稱先儒。位司馬光上。

時中謹考歐陽永叔幼孤。母氏鄭守節訓誨。恒以荻畫地學書。敏悟過人。讀書成誦。及冠有文名。舉進士。試南宮第一。擢科甲。調西京推官。與尹洙梅堯臣游。爲古文詩歌。名冠天下。范仲淹辟掌書記。修笑曰。昔日之舉。豈以爲利。同其退不同其進可也。嘗進朋黨論。帝獎其敢言。保州兵變。富弼夜半與修謀誅奪。從。修曰。禍莫大於殺已降。况脅從乎。弼悟而止。時黨議紛起。修上疏曰。杜衍。韓琦。范仲淹。富弼。天下皆知其賢可大用。自古小人廣陷善良。不過指爲朋黨。欲動搖大臣。必須誣以專權。今此四人罷。而羣邪相賀於內。四夷相

賀於外。竊爲朝廷惜之。於是朋黨忌修。遷知制誥。知滁州。居二年。徙揚州。徙潁州。復學士。留守南京。以母憂去。服除。召判流內銓。時在外十二年矣。帝見其髮白。問勞甚。至。遷翰林學士。俾修唐書。奉使契丹。其主命貴臣四人押宴。曰。此非常制。以卿名重故爾。知嘉祐二年貢舉。時士子尙險怪奇澀之文。號太學體。修痛抑之。文體大變。是科號得人。程顥。張載。朱光庭。曾鞏。蘇軾。蘇轍。諸人出焉。知開封府。承包拯後。變嚴威爲簡易。京師亦治。五年拜樞密副使。六年參知政事。修在兵府與曾公亮考天下兵數。及三路屯戍多少。地理遠近。更爲圖籍。凡邊防久缺屯戍者。必加蒐補。其在政府。與韓琦同心輔政。凡兵民官吏財利之要。中書所當知者。集爲總目。遇事不復求之有司。時東宮猶未定。與韓琦等協定大議。後以議濮王事。爲臺諫所劾。神宗即位。求知亳州。時年六十。乞謝事。弗許。及守青州。請止散青苗錢。爲安石所詆。熙甯四年。以太子少師致仕。五年卒。贈太子太師。諡曰文忠。修在滁州。號醉翁。晚更號六一居士。方貶夷陵。時無以自遣。取舊案反覆觀之。見其枉直乖錯甚多。仰天歎曰。以荒遠小邑如此。天下可知。凡歷數郡。寬簡不擾。所至民便。嘗爲文章。止於潤身政事。可以及物。端平二年從祀。旋罷。明嘉靖九年復祀。稱先賢。

司馬光

先儒司馬光。字君實。宋夏縣人。仁宗寶元初進士甲科。卒年六十八。贈太師溫國公。建炎中配饗哲宗廟。廷宋咸淳三年從祀。

時中謹考光字君實。少講左氏春秋。即了大義。寶元初中進士甲科。除奉禮郎。至和三年上疏選儲貳。詔英宗判宗正。英宗立。爲諫議大夫。奏斬任守忠以謝天下。韓琦徵陝西民爲義男軍。光諫不聽。竟爲患。詔議崇奉濮王典禮。準故事。期親尊屬稱爲皇伯。神宗立。疏論修心之要。曰仁。曰明。曰武。治國之要。曰任官。曰信賞。曰必罰。西戎部將崑名山欲以橫山之衆降。光極言後必爲邊患。河朔旱。光言救災當自責近始。王安石曰。常袞辭堂饌。時以爲袞自知不能。當辭職。不當辭祿。國用不足。未得善理財耳。光曰。天地生財。不在民則在官。奪民之害。甚於加賦。上曰。朕意與光同。安石行新法。光逆陳利害。上欲相陳升之。開光。光曰。閩人狡險。楚人輕易。升之有才智。恐不能臨大節。上拜光樞密副使。上章力辭。熙寧七年旱蝗。陳六事。一青苗。二免役。三市易。四邊事。五保甲。六水利。居洛十五年。天下以爲眞宰相。哲宗幼冲。太皇太后臨政。首開言。四方言新法不便。光言。新法乃安石惠卿所

建。非先帝本意。宜改之議乃定。元祐元年。拜尙書左僕射。遼人曰。中國相司馬矣。毋輕生事。光疾與呂公著曰。今以身付醫。以家事付子。惟國事未有所託。願以屬公。旣而論免役五害。乞降赦罷之。人言諸將兵宜隸州縣。軍政委守令。通決邊計。以和戎爲便。皆從之。後青苗錢亦罷。常平糶糴法亦復。兩宮虛己以聽。而爲之益力。年六十八卒。贈太師溫國公。諡文正。賜碑曰忠清粹德。京師人罷市。都中及四方皆畫像以祀。自言生平無過人者。惟事無不可對人言耳。文辭有西漢風。晚尤好禮爲冠昏喪祭法。性喜儉。著於示子康語。度宗咸淳三年從祀廟庭。明嘉靖九年改稱先儒。

謝良佐

先儒謝良佐。字顯道。上蔡人。與游酢呂大臨楊時號程門四先生。元豐八年登進士。有所著論語說。門人所記遺語。皆行於世。道光二十九年從祀。

時中謹考良佐登進士。復事伊川。伊川問所進曰。但去一矜字。嘗作課簿。記其言動視聽。得禮與非禮。自程督。蓋志道篤而能爲爲已學者。及爲應城令。胡安國提舉湖南學事。行部至應城。從良佐質疑訪道。禮之甚恭。建中間。除書局官。不謁執政。嘗言人能信命。方能

養氣。平生未嘗干人。徽宗初。監西京竹木場。朱震來謁。請教曰。好待與賢說一部論語。震念日刻如此。何由盡其講說。已而舉子見齊衰者。及師冕見二章。言聖人之道無微顯。無內外。由應唯進退本末一以貫之一部論語。只恁地看。其善啓發人類如此。所著論語說。及門人所記遺語行世。宋明封爵無。清道光二十九年增祀。

呂大臨

先儒呂大臨。字與叔。藍田人。初學於張載。後學於程子之門。純修正學。與楊游同列。著易章句。大易圖象。易傳芸閣。禮記傳注。生平尤邃於禮。爲朱子所重。清光緒二十一年從祀。

時中謹考呂與叔之學。出於張子。尊禮貴德。樂天知命。以易爲旨。以中庸爲本。其後學於程門。益得義理之學。能以義理悅心。以禮飭躬。故見重朱子。其懿言善行。詳載近思錄。著論語中庸解。孟子講義行世。蜀人多師其學。清光緒二十一年從祀。稱先儒。

羅從彥

先儒羅從彥。字仲素。劍南人。以累舉。恩爲惠州博羅縣主簿。聞同郡楊時得程氏學。慨然慕之。及時爲蕭山令。遂徒步往學焉。紹興中卒。學者稱之曰豫章先生。淳祐中諡文質。明萬曆

二十九年從祀清仍之。

時中謹考從彥。宋南昌人。寓閩之劍浦。幼不爲言語文字之學。嘗講易至某爻。問揚時。時告之曰。讀書之法。以身體之。以心驗之。從容默會於幽閒靜一之中。超然自得於書言象意之表。畢業而歸。作舫齋。歎曰。自孟氏沒。歷漢唐。無人能自樹立。遊孔子之門。入堯舜之道者。夫中庸之書。其始則曰喜怒哀樂之未發。謂之中。其終則曰夫焉有所倚。肫肫其仁。淵淵其淵。浩浩其天。此言何謂也。差之毫釐。謬以千里。故大學之道。在知所止而已。苟知所止。則知學之先後。不知所止。則於學無自而進矣。其論士行曰。三代人材得周孔之心。而明道。故視死生去就。如寒暑晝夜之移。而行忠義也。易。漢唐以後。失周孔之心。不能明道。故視死生去就。如萬鈞九鼎之重。而行忠義也。難。又曰。士之立朝。正直忠厚。二者不可偏。正直則朝廷無過失。忠厚則天下無嗟怨。晚就特科。授博羅主簿。卒於官。年六十四。諡文質。朱子謂楊龜山先生曰。倡道東南。力行任重者。仲素一人而已。學者稱豫章先生。明萬歷二十九年從祀。稱先儒清仍之。

李綱

先儒李綱字伯紀。邵武人。登政和進士。著易內外篇。論語詳略。文章歌詩。奏議。凡百餘卷。又有靖康傳信錄。奉迎錄。進炎時政紀。進退表。制誥表。劄集。宣撫荆廣記。制置江右錄。清威豐元年從祀。

時中謹考李綱性忠誠。學有體用。由進士積官監察御史。殿中侍御。言事謫沙縣稅務。起爲太常少卿。金滌盟。上禦戎五策。勸欽宗以疆土當守。不當與人。除兵部侍郎。時上決意南狩。綱入阻。遂輟行。拜綱爲親征行營使。便宜從事。綱督戰却敵退。上遣李棨議和。綱曰。稅怯懦。請自行不聽。金人索金幣。割三鎮。以親王宰相親質報。綱執議不許。上諭出治兵。甫出誓書已行。綱又奏。若絕河津糧道。要半渡而擊之。誓書三鎮。可恢復也。會姚平仲斫營不克。宰相歸罪於綱。罷之。旋因陳東請充京城守禦使。敵退。除知樞密院事。時方議和。與綱意不洽。然當時忠義略。能使四方安全。敵國畏服者。綱一人而已。旋因上東幸乞去。時兩河郡縣陷。東西京毀。關輔盜起。中原不可爲矣。紹興二年。除湖廣宣撫使。仍議恢復中原。竟被劾。五年。陳攻戰守備。措置綏懷之方。上褒納之。八年。上復論和議。綱堅時不許。九年。力辭南路安撫大使。十年。薨。年五十八。贈少師。謚文定。官親族十八。綱身負天下

之望。忠義之氣。動乎中外。每外使至。必問李綱安否。著易傳內外篇。論語詳說。清咸豐元年從祀。

張栻

先儒張栻。字敬夫。綿竹人。丞相浚子。少所學。皆仁義忠信。長事胡宏。宏以孔門論仁親切之旨告之。退而思。若有得焉。宏稱之曰。聖門有人矣。恒以聖賢自勵。因作希顏錄。宋嘉定二年祀。

時中謹考張南新幼薦志聖學。以仁爲本。以廡補官吏部員外郎。因言上諸道水旱民貧。召兼侍講。嘗講詩葛覃。進曰。治生於敬畏。亂起於驕淫。使爲國者。念稼穡之勞。不忘耕紆之事。無擾民害無矣。歲召對至六七。每勸上修身務學。畏天卹民。抑僥倖。屏讒諛。執政虞允文。樞府張說。憚之。嘗與上言。伏節死義之臣。於犯顏敢諫中求之。欲得辦事之臣。當求曉事之臣。乃無敢事。淳熙初。安撫廣南西路。革橫山買馬弊六十餘事。諸蠻服。五年知江陵。一日去不職十四人。劾縱賊。斬姦民。湖北以靖。北人歎曰。南朝有人矣。疾革勸上親君子。遠小人。信任防一偏。好惡公天下。投筆而絕。年四十八。朱子稱曰。大本卓然。先有見者。

與朱子交始終如一。著論語解。孟子講義。言仁錄。太極圖解。經世紀年文集。謚曰宣。理宗封華陽伯。從祀。嘉靖九年。改先儒。清仍之。

陸九淵

先儒陸九淵。字子靜。金谿人。唐丞相希聲之後。年五十四卒。謚文安。明嘉靖九年。以行人薛侃議。詔從祀。

時中謹考九淵之學。以悟爲宗。初與朱子會於鵝湖。論辨多不合。及朱子守南康。九淵訪之。至白鹿洞。講君子喻於義。小人喻於利。朱子避席。至無極而太極。亦貽書往來。論辨不置。所著有文集行世。登乾道八年進士。調靖安主簿。以薦除國子正。轉敕令所。刪定官。因輪對陳五論。上稱善。除將作監丞。光宗立。差知荆門軍。其理訟。無早暮皆直。造庭下。令自持狀以追被訴者。無不應期。至。其有干涉人倫。輒使自毀狀。以厚風俗。於境內官吏貪廉。人民善惡。靡不周知。有訴人殺其子者。九淵曰。不至是。及追究。其子果無恙。有訴竊取而不知其人。九淵出二人姓名。使捕至。訊之。伏辜。盡所得竊物。還訴者。且釋其罪。使自新。因語吏以某所某人爲暴。翌日有訴遇奪掠者。即其人也。乃加追治。吏大驚。郡以爲神。罷關。

市吏譏察而減其稅商賈畢集稅入日增期年政化大行諸司交薦一日語所親曰先兄九齡有志天下竟不得施情哉蓋自幼與兄互爲師友也嘗曰宇宙內事乃已分內事已分內事乃宇宙內事又曰東海有聖人出焉此心同此理同也至西海南海北海有聖人出此心此理亦莫不然千百世之上至千百世之下有聖人出此心此理亦無不同貴谿有山其形如象九淵登而樂之結茅其上自號象山翁學者稱象山先生每開講席戶外人滿耆老扶杖觀聽其教學者曰汝耳自聰目自明事父自能孝事兄自能弟本無欠闕不必他求要在自立又曰此道與溺於利欲之人言猶易與溺於意見之人言卻難或勸其著書曰六經注我我注六經學若知道六經皆我注腳蓋其學宗旨易簡教言直捷最善啓悟學者紹熙三年卒諡文安明嘉靖九年從祀稱先孺

陳淳

先孺陳淳字安卿漳州龍溪人所著有論語孟子大學中庸口義字義詳講禮詩女學等書門人錄其語號篤谷瀨口金山所聞雍正二年從祀

時中謹考淳宋福建龍溪人少習舉子業自林宗臣授近思錄始得洙泗之傳朱子守漳

進謁得聞木原之學。朱子稱吾道得一安卿。嘉定九年。以特試赴都歸。過嚴陵。郡守率屬聽講。淳爲四章以示。一道學體統。二師友淵源。三用功節目。四讀書次序。自是師事者多。稱北溪先生。門人於口授筆之。於是有四書口義。字義註解。及筠谷所聞諸編。年六十五卒。著有詩禮女學文集。漳人祠祀朱子。以淳配。清雍正二年從祀。稱先儒。

眞德秀

先儒眞德秀。字景元。建之浦城人。登慶歷五年進士。立朝不滿十年。奏疏無論數十萬言。皆切當時事要務。所著有西山甲乙藁。對越甲乙集。經筵講義。端平廟議。翰林祠草。四六獻忠集。江東救荒錄。清涼雜誌。星沙集志。旣薨。上思之不置。諡曰文忠。明正統二年從祀。清仍之。時中謹考西山先生幼受書。即過目成誦。登慶歷五年進士。復中博學鴻詞科。由閩帥幕。召充太學正。積官至太常少卿。金主登位。充賀使。至盱眙。金內變。還條陳邊防。出爲江東轉運副使。理宗立。召爲中書舍人。擢禮部侍郎。直學士院。首言濟王雲川之變。非本意。擬封秦邸事。興繼滅絕。即勸上講學。且言乾道淳雍。雍京外職。以饋送包苴爲恥。今貨賂成風。無怪敏銳多於老成。上虛心納之。紹定五年。進徽猷閣待制。復知泉州。召爲翰林學士。進

戶部尙書。章疏數十萬言。切中時事。中外稱眞直院。自韓侂胄立僞學。禁絕儒書。先生以斯文自任。黨禁開。正學明。入見上。進大學衍義。端平元年。知貢舉。拜參知政事。三丐祠。上不得已。進資政殿學士。提舉萬壽觀。兼侍讀。固辭。年五十八卒。贈銀青大夫。諡文忠。先生私淑朱子。學備體用。嘗曰。大舜十六字。萬世聖賢心傳。教人守道心。遏人心爾。又曰。學問之道。三省察。克治存養。學者治心如治疾。省察者。視脈而知疾。克治者。用藥以去疾。存養者。調燮以杜疾未形。南雄立周程朱詞。陳應龍請德秀爲記。發明中庸性道教之旨。曰。苟楊以惡與混爲性。不知天命之本然。老莊以虛無爲道。不知天理之至實。佛氏以剗滅鬻倫爲教。不知天敍之不可易。周子生乎絕學之後。獨探本原。二程見知。朱子聞知。倡明人性。不外仁義禮智。而惡與混非性也。道不離日用事物。而虛無非道也。教必本乎父子夫婦。昆弟朋友。而剗滅鬻倫非教也。時稱西山先生。著有四書集編。讀書記。心經。政經。文章。正宗。文集明。正統二年從祀。成化三年封浦城伯。嘉靖九年。改稱先儒。清仍之。

何基

先儒何基。字子恭。婺州金華人。年八十一卒。國子祭酒。請於朝。諡文定。所著大學發揮。中庸

發揮。大傳發揮。易啓蒙發揮。通書發揮。近思錄發揮。雍正二年從祀。

時中謹攷基父伯慧。爲臨川丞。時黃幹適知縣事。告以爲學必有眞實心理。刻苦工夫。遂堅立志篤行之學。嘗論治經法曰。讀易當潔淨心理。乃可觀爻象。讀詩須掃蕩胸次。然後吟詠從容。感發性情。又闡發朱子緒言。旨趣益新。郡守延聘不就。景定間。都省上言。基得先儒理學之傳。隱居樂道。詔補迪功郎。特差婺州教授。兼麗澤書院山長。咸淳初。授史館校勘。兼崇政院說書。改承務郎。主管西岳廟。終不受。年八十一卒。祭酒楊文仲請於朝。謚文定。清雍正二年從祀。稱先儒。

文天祥

先儒文天祥。字履善。吉水人。體貌豐偉。美皙如玉。秀眉長目。顧盼睥然。年二十舉進士。宋亡。元世祖愛其才。欲官之。不屈死。年四十五。道光二十三年從祀。

時中謹攷天祥。年二十舉進士。帝親拔爲第一。考官王應麟奏曰。是巷古誼若龜鑑。忠肝如鐵石。臣敢爲得人賀。慶元初。因遷都事免歸。故相江萬里與語國事。稱世道之責。具在君乎。咸淳十年知贛州。德祐初。勤王以江西提刑安撫使召入衛。八月。提兵至臨安。除平

江府言宜分天下爲四鎮建都督統御其中。旋除知臨安府。繼除樞密使。拜右丞相。如軍中請和。與元伯顏丞相抗議皋亭山。丞相拘之。至鎮江。夜亡入眞州。苗再成出迎。喜且泣。天祥未至時。揚有託歸兵言。元密遣一丞相入眞州說降矣。李庭芝信之。以爲天祥來說降也。使再成亟殺之。再成不忍。給天祥出相城壘。以制司文示之。閉之門外。復遣兩路分覘天祥。果說者即殺之。兩路分與天祥語。見其忠義。亦不忍殺。以兵二十人道之。揚四鼓抵城下。聞候門者談。制置司下令捕文丞相甚急。衆相顧吐舌。乃東入海道。遇兵伏環堵中。得免。然亦饑莫能起。從樵者乞得餘糝羹。行入板橋。兵又至。執杜滯。金應而去。天祥逃至溫州。勸進表。益王乃拜右丞相。同都督。出兵江西。至元十四年。參謀張汴監軍。趙時賞。趙孟深等。盛兵薄贛城不下。撫州何時等皆起兵應天祥。而元江西宣慰使攻天祥於興國。趙時賞不屈死。天祥收殘兵奔循州。十五年。益王殂。衛王立。加天祥少保。信國公。十一月。宏範兵突至。天祥見宏範。宏範使爲書招張世傑不肯。乃書云。人生自古誰無死。留取丹心照汗青。時元世祖多求才遣使官之不可。在燕三年終不屈。至元十九年。召入諭之。曰。汝何願。天祥對曰。受宋恩爲宰相。安事二姓。賜之死足矣。臨刑從容謂吏卒曰。吾事畢。

矣。南鄉拜而死。數日其妻歐陽氏收其屍。面如生。年四十七。其衣帶中有贊曰。孔曰成仁。孟曰取義。惟其義盡。所以仁至。讀聖賢書。所學何事。而今而後。庶幾無愧。清道光二十三年從祀。稱先儒。

趙復

先儒趙復。字仁甫。德安人也。家江漢之上。學者稱之曰江漢先生。雍正二年從祀。

時中謹攷復。少嗜周程張朱之學。嘗錄所記程朱諸經傳註。以付姚樞燕。從學者百餘人。元世祖強之仕。不可。楊至中。與樞建太極書院。詞周子。以二程張楊游朱六君子配。復乃原。羲農堯舜。所以繼天立極。孔子顏孟。所以垂世立教。周程張朱。所以發明紹續。作傳道圖。而以書目條於後。別著伊洛發揮。以標其宗。由是許衡劉因。郝經尊信其書。北方知有程朱學者。自復始。居燕不忘故土。與人交尤篤。時元好問文名擅一時。復南歸。贈言以博溺心。以末喪本爲戒。居江漢。因自號焉。學者亦稱江漢先生。清雍正二年從祀。

金履祥

先儒金履祥。字吉甫。婺之蘭溪人。以孝行著稱。所著曰大學章句疏義二卷。孟子論語集註

考證十七卷。書表注四卷。皆傳於世。後居仁山下。學者因稱爲仁山先生。大德中卒。元統間里人吳師道爲國子博士。移書學宮。祠履祥於鄉。至正中諡文安。清雍正二年從祀。

時中謹考履祥致洛闕學。從王栢登何基之門。詣造益邃。自負經濟學。嘗進牽制擣虛之策。請以重兵由海道直趨燕薊。則襄樊自破。備陳海舶所經巨洋。別島難易遠近。歷歷可據。即朱瑄張清獻言海運之道。果咫尺無異。人乃服精確。德祐初徵迪功郎。史館編校。不至。宋亡隱金華山。訓迪後學。世故澹然。元大德七年卒。諡文安。其學以立志爲先。居敬以持志。立志以定本。志立事物之表。敬在事物之內。蓋親受王栢何基之學。而能篤師弟之誼者。所有者通鑑前編。尙書表註。大學疏義。論語孟子考證。文集。學者稱仁山先生。清雍正二年從祀列先儒。

陳澹

先儒陳澹。字可大。父大猷。著書傳會通。尤精於禮。澹承父著禮記集說十卷。自號雲莊。又號北山叟。年八十二卒。元奎章閣學士虞集題其墓曰。經歸先生。考元延祐中行科舉法。用鄭注。明永樂中詔修禮記大全。所援諸儒之說。凡四十二家。而以陳氏集說爲主。自是科舉始

改用陳氏集說。云清雍正二年從祀。

時中謹考濬。元江西都昌人。生於宋末。不求聞達。深得禮經奧旨。著集說。明胡廣奉敕撰禮記大全。以集說爲宗。遂列其書於學宮。清雍正二年從祀稱先儒。

方孝孺

先儒方孝孺。字希直。一字希古。寧海人。死難時年四十六。妻鄭氏。及二子。中憲中愈。先自經死。二女投秦淮河死。神宗初有詔褒錄建文名臣。建表忠祠於南京。首徐輝祖。次方孝孺。云清同治二年從祀。

時中謹考希直。從宋濂學。恒以明王道致太平爲己任。洪武十五年。以薦召。高帝一見奇之。謂太孫曰。此莊士。當老其才輔汝。二十五年。又薦召至。高帝曰。今非用孝孺時。稍擢漢中府教授。蜀獻王師事之。扁其讀書廬曰正學。惠帝立。召爲翰林侍講。倣古周禮。周官法策太平。燕王反。宮中自焚。孝孺哭罵燕賊篡位。王怒抄十族。姚廣孝嘗稱爲讀書種子。明儒學案。稱其以聖賢自任。一切世俗事皆不關懷。以聖功始於小學。作幼儀二十首。以化民必自正家始。作宗儀九篇。以王治。尙德緩刑。作深慮論十篇。蓋學有守爲而氣節剛大。

爲明學之祖。卒年四十六。門人王稔搜輯學行。生平始末。爲家傳行狀。并遺文。爲侯城集行世。清同治二年。從祀廟廡。稱先儒。

薛瑄

先儒薛瑄。字德溫。河津人。補鄆陵學官。遂舉河南鄉試第一。旋登進士。著有讀書錄二十卷。平易簡切。皆自言其得。學者宗之。天順八年六月卒。年七十二。贈禮部尙書諡文清。宏治中。給事中張九功請從祀文廟。詔祀於鄉。己給事中。楊廉請頒讀書錄於國學。俾六館傳誦。且請祠名。詔名正學。隆慶五年。允廷臣請。從祀廟廷。

時中謹考瑄之學。本洛閩。正統初爲提學僉事。直揭朱子白鹿洞學規開示之。諸生呼爲薛夫子。旋召爲大理寺少卿。繼陞南京大理寺卿。金英揚於衆曰。南京好官惟薛卿耳。英宗復辟。拜禮部右侍郎。兼翰林院學士。預機務。一日召入便殿。上衣冠未肅。瑄凝立不入。上更衣乃入。語誠正之學。剴切動上。于謙王文坐罪。力言減一等。因徵獅西番諫。不聽。致仕。天順八年六月卒。年七十六。贈禮部尙書諡文清。其學本程朱。以復性爲主。居敬爲功。推明儒之冠。南陽當國。每以書候。終不答。或問之曰。昔溫公居洛。未嘗答政府書。固退居。

道也。所著讀書錄文集。六館通習。隆慶五年從祀。清仍之。

胡居仁

先儒胡居仁。字叔心。餘干人。所著有居業錄。又作進學箴。闇修自守。布衣終其身。人以薛瑄之後。粹然一出於正。居仁一人而已。年五十一卒。明萬曆十三年從祀。追祀文敬。

時中謹考居仁之學。以主忠信爲先。求放心爲要。持之以敬。因自名敬齋。又言人雖持敬。亦要義理浸灌。於敬入手工夫。接續到底無間。時自立課程。力求正道。而不涉禪理。與羅論張元順。會於弋陽龜峯。時稱薛瑄後一人。卒年五十一。萬曆十三年追諡文敬。從祀。稱先儒。清仍之。

羅欽順

先儒羅欽順。字允升。泰和人。宏治六年進士。里居二十年。足不入城市。潛心格物致知之學。著困知錄。年八十三卒。諡文莊。雍正二年從祀。

時中謹考欽順之學。莊薦剛正人不能擾以非。自號整菴。宏治六年進士。授編修。遷南京國子監司業。與祭酒章懋俱以實行教士。六館之士以爲得師。世宗卽位。由吏部侍郎。攝

尙書事。時張璠桂萼以議禮驟貴。欽順恥與同列。屢詔不起。嘉靖二十六年卒。年八十三。諡文莊。贈太子太保。其學以心爲人之神明。性爲人之生理。理之所在。謂之心。心之所有。謂之性。與王守仁致書往來。欽順主窮理。守仁主致知格物。反復二千餘言。著困知記傳世。清雍正二年從祀稱先儒。

呂柟

先儒呂柟字仲木。高陵人。學者稱涇野先生。正德二年登進士第一。所著有四書因問。易說翼。書說要。詩說序。春秋說志。禮內外篇。史約。小學釋。寒暑經圖解。史館獻納。宋四子抄釋。南京奏藁。涇野詩文集。同治二年從祀。

時中謹考呂柟登正德三年進士第一。授修撰。劉瑾誅。以乾清宮災。應詔陳六事。其言除義子。遣番僧。取回鎮守。太監。尤人所不敢言。世宗嗣位。勸上克己慎獨。上對天心。親賢遠讒。下通民志。因議大禮。與張璠忤。謫解州。恤楚獨。減丁役。勸農桑。興水利。行呂氏鄉約。及文公家禮。四方學者日至。闢解梁書院居之。後以薦歷升南京禮部侍郎。署吏部事。卒年六十四。其學接河津。薛瑄之傳。與湛若水互主南都講席。天下學者不歸王守仁。則歸湛

若水惟桷與。濯欽順守程朱不變。明儒學案云。關學世有淵源。皆以躬行禮教爲本。而涇野實集其大成。觀其出處言動。無不規於道。卓然閔冉之徒。清同治二年從祀。

劉宗周

先儒劉宗周字起東。山陰人。萬歷二十九年進士。南都亡。六月潞王降杭州。亦失守。宗周方食推案。自是遂不食。移居郭外。出辭祖墓。再過西洋港。躍入水中。水淺不得死。舟人扶而出之。絕食二十三日。始進茗飲。後勺水不下者十三日。與門人問答如平時。時閏月六日卒。年六十有八。乾隆四十一年。贈諡忠介。清道光二年從祀。

時中謹考宗周入東林書院講學。上言東林顧憲成爲正學。黨人不悅。時魏忠賢擅權。宗周力闢之。於是屢起屢辭。至潞王降。杭州失守。遂正命也。卒年六十八。諡忠端。其學以誠意爲主。慎獨爲功。晚築證人書院。闡姚江之緒。而救其弊。人稱念臺先生。著有論語學案。聖學宗要。學言人譜。人譜類記。文集。清乾四十一年。諡忠介。道光二年從祀。稱先儒。

孫奇逢

先儒孫奇逢。字鍾元。萬歷二十八年舉於鄉。力行孝弟。志希聖賢。著有讀易大旨。四書正旨。

中州人物考。皆採入四庫全書。中州人物考。以河南明代人物。分爲七科。曰理學。經濟。忠節。清直。方正。武功。隱逸。而文士不與焉。黜華藻。勵實行焉。平生堅苦自持。事事講求實用。不爲性命空談。持論得朱陸之平。講學無門戶之見。忠正誠薦。不愧先儒矣。卒年九十二。清道光八年從祀。

時中謹考奇逢之學。崇尚實用。以天地物爲一體。生死禍福不足動其中。崇禎九年。容城被圍。奇逢指示方略。城賴以全。嘗率子弟避居五公山。練鄉兵。厲人心。爲守禦計。暇則敦詩習禮。後移河南輝縣。關兼山堂。讀易其中。賢如湯斌。魏一鰲等。皆執贄焉。嘗曰。識得天理二字。是千聖真脈。非語言文字可以承當。故言心即在事上見。言己即在人上見。言高遠即在卑邇上見。言上達即在下學上見。又自謂七十歲工夫。較六十歲密。八十歲工夫。較七十歲密。九十歲工夫。較八十歲密。自強不息。垂老無倦。得孔孟之道。而處朱陸之平者。著理學宗傳。孝友堂家規。畿輔人物考。清道光八年從祀。稱先儒。

張履祥

先儒張履祥字考夫。居桐鄉之楊園村。學者稱楊園先生。卒於康熙十三年。年六十四歲。

時中謹考張履祥。少讀陽明龍溪之書。有志聖賢。後壹心程朱。操行粹然。著備忘。初學備忘等書。平易篤實。直接薛胡。以康熙十三年卒。年六十四。嘗評王氏傳習錄。以爲讀其書。使人長傲。又曰。一部傳習錄。驕吝二字。足以蔽之。同時平湖陸清獻。於沒後。見所著備忘書。歎爲篤實正大。足矻俗學。云清同治十一年從祀。稱先儒。

陸隴其

先儒陸隴其。字稼書。平湖人。康熙九年進士。自幼積誠勵行。苦心正學。著有松楊講義。四書講義。困勉錄。讀禮志疑。讀書隨筆。松楊鈔存。三魚堂文集。外集。皆探入四庫全書。卒年六十三。康熙二十二年。命督學江西。沒已經歲矣。清雍正二年。詔從祀。乾隆元年。贈諡清獻。贈內閣學士。禮部尙書。

時中謹考陸隴其。字稼書。初遷泖上築堂曰三魚。公文集。故稱三魚堂。登康熙九年進士。知嘉定縣事。却餽遺。懲豪強。民有父子兄弟爭訟者。多以孝弟訓言。感泣而去。會徵博學鴻儒。工部吳元起。以理學純深。文行無愧薦。大學士魏象樞疏舉公廉吏。授靈壽縣。申明鄉約保伍之制。朔望舉鄉飲酒禮。與諸生講論躬行。著松楊講義。區別義利之界。居官清

廉與于成龍同稱。成龍訪民間利弊。公陳六事。疏薦爲大學士。有阻之者。補四川道監察御史。疏請將畿輔災區錢糧悉蠲免。勿帶征。特旨允行。辛未夏大旱。遵旨陳請豁免帶征。均平人丁。停捐免時軍需。急部議員職。應外調。遂告歸。足不染市塵。布衣蔬食。以明道覺世爲己任。康熙三十一年十二月十七日卒。年六十三。公教人授朱子小學。及程氏讀書分年日程。而著學術辨力。關陽明爲禪學。論者謂薛敬軒胡敬齋後。惟公得程朱之正宗。著四書大全。古文尙書考。禮經會元。衛濱日鈔。靈壽志。雍正二年從祀。乾隆元年謚清獻。禮部以會典未載五品。予謚立碑給價之例。得旨加贈內閣學士兼禮部侍郎。

張伯行

先儒張伯行。字孝先。晚號敬菴。儀封人。清康熙二十四年進士。擢福建巡撫。操守清潔。爲天下清官第一。後遷吏部尙書。著有困學錄。續錄。正誼堂文集。卒年七十五。謚清恪。公。光緒四
年從祀。

時中謹考伯行之學。一本程朱之正誼明道。堅守不移。而操行清潔。吏治廉平。又爲天下清官第一。擢福建巡撫。遷吏部尙書。著正誼文集行世。年七十五卒。謚清恪。光緒四年從

祀稱先儒。

中華民國六年九月九日大同子溫厲時中著考於晉陽



先賢儒從祀年攷

五十一

子溫厲時中謹攷

先賢儒從祀年攷



五十二

子溫厲時中謹攷

蘧瑗

先賢蘧瑗。字伯玉。衛人。仕爲大夫。進德之功老而不倦。行年五十而知。四十九年之非。清康
熙二十七年從祀。

時中謹考伯玉爲衛大夫。獻公十八年。孫林父甯殖謀逐君。伯玉曰。君制其國。誰敢好之。
雖奸之庸知愈乎。遂行。靈公嘗與夫人夜坐。聞車聲至闕而止。公問爲誰。曰伯玉。曰何知
之。曰禮下公門。式路馬。伯玉衛賢大夫。仁而有智。敬而事上。必不以闇昧廢禮。公問之果
伯玉。伯玉行年五十知四十九年之非。六十而化。孔子友事之。宋封內黃伯。從祀孔子廟。
明祀於鄉。清雍正二年復祀稱先賢。

澹臺滅明

先賢澹臺滅明。字子羽。武城人。少孔子三十九歲。狀貌甚惡。欲事孔子。孔子以爲才薄。旣已
受業。退而修行。行不由徑。非公事不見卿大夫。南游於江。從弟子三百人。設取與去就。名施
諸侯。孔子聞之曰。吾以言取人。失之宰予。以貌取人。失之子羽。唐開元中從祀。

時中謹考子羽之行。光明正大。子游爲武城。以爲得人。嘗齋千金。壁渡河。陽侯波起。兩蛟

夾舟子羽曰。吾可以義求。不可以威劫。操劍斬蛟。毀壁者渡。唐贈江伯。宋封金鄉侯。明稱先賢。清仍之。

宓不齊

先賢宓不齊。字子賤。魯人。少孔子四十歲。爲單父宰。顏之推曰。袁州永郡城。蓋單父地也。東有子賤碑云。濟南伏生。卽子賤之後。唐開元二十七年從祀。

時中謹考子賤。宰單父。能仁愛。百姓不忍欺。孔子謂之曰。子何施而得之。對曰。不齊父其父。子其子。恤諸孤而哀喪紀。子曰。善。小節也。猶未足也。曰。不齊所父事者三人。兄事者五人。友事者十一人。子曰。可以教孝教弟。教學矣。中節也。猶未足也。曰。此地有賢於不齊者。五人。不齊事之而稟度焉。皆教不齊。所以治人之道。子乃歎曰。賢者百神之宗。神明之主。惜所治者小。所治者大。庶幾堯舜之道矣。唐贈單伯。宋封單父侯。明稱先賢。清仍之。

公冶長

先賢公冶長。字子長。史記齊人家語云。魯人。爲人能忍恥。孔子以女妻之。唐開元中從祀。時中謹考長。一名襄。一云名芝。字子長。一作子芝。一作子之。齊人。一作魯人。孔子以其子

妻之唐贈宮伯宋封高密侯明稱先賢清仍之。

公皙哀

先賢公皙哀字季次齊人家語云字季沈鄙天下多仕於大夫家者是故未嘗屈節人臣孔子曰天下無行多爲家臣仕於都唯季次未嘗仕特歎賞之唐開元中從祀。

時中謹考公皙哀一云名克季次一作季沈蓋不屈節權臣而克自守道者唐贈郟伯曲阜碑一作杞伯宋封北海侯明稱先賢清仍之。

高柴

先賢高柴字子羔齊人少孔子三十歲身長不盈五尺受業孔子孔子以爲愚左傳作季羔檀弓作子皋唐開元中從祀。

時中謹考柴齊大夫高氏之族篤孝有法爲成宰成人化之蒯瞶之亂子羔走郭門者三脫之孔子善其能以公用法而民不怨唐贈共伯宋封共城侯明稱先賢清仍之。

樊須

先賢樊須字子遲少孔子三十六歲魯人仕於季氏唐開元中從祀。

時中謹考須仕季氏。清之役。冉求使須爲季氏御。及戰。師不踰溝。須曰。請三刻而踰之。如之。遂敗齊師。唐贈樊伯。宋封益都侯。明稱先賢。清仍之。

商澤

先賢商澤。字子秀。魯人。唐開元中從祀。

時中謹考商澤字子季。一作子秀。魯人。唐贈睢陽伯。宋封鄒平侯。明稱先賢。清仍之。

巫馬施

先賢巫馬施。字子期。陳人。史記作子旗。少孔子三十歲。鄭康成云。魯人。唐開元中從祀。

時中謹考巫馬施。見魯論陳司敗問昭公知禮章。又子期爲單父宰。以星出。以星入。而單父理。蓋勵於治民爲政無倦者。唐贈鄆伯。宋封東阿侯。明稱先賢。清仍之。

顏辛

先賢顏辛。字子柳。少孔子四十六歲。家語作幸。杜祐通典作顏柳。咸淳臨安志作顏韋。唐開

元中從祀。

時中謹考子柳。魯人。家語作顏辛。唐贈蕭伯。宋封穀陽侯。明稱先賢。清仍之。

曹卹

先賢曹卹。字子循。蔡人。唐開元中從祀。

時中謹考曹卹。少孔子五十歲。唐贈豐伯。一作曹伯。一作魯伯。宋封上蔡侯。明稱先賢。清仍之。

公孫龍

先賢公孫龍。字子石。衛人。少孔子五十三歲。唐開元中從祀。

時中謹考公孫龍。一作楚人。子貢嘗問曰。子不學詩乎。子石曰。吾暇乎哉。父母求吾孝。兄弟求吾弟。朋友求吾信。暇乎哉。子貢曰。吾請學於子。蓋敦行孝弟。不忘者。唐贈黃公。宋封枝江侯。明稱先賢。清仍之。

秦商

秦商。字子丕。鄭康成云。楚人。唐開元中從祀。

時中謹考秦商。字子丕。一作丕茲。魯人。一作楚人。少孔子四十歲。其父董父。與孔子父叔梁紇。俱以力聞。唐贈上洛伯。宋封馮翊侯。明稱先賢。清仍之。

顏高

先賢顏高。字子驕。少孔子五十歲。家語作顏刻。魯人。孔子世家云。孔子去衛適陳。過匡。顏刻爲僕。以其策指之曰。昔吾入此。由彼缺也。匡人聞之。以爲魯之陽虎。陽虎曾暴匡。匡人於是遂止孔子。唐開元中從祀。

時中謹考顏高一名刻。一云名產。其人力善射。能挽六鈞之弓。唐贈瑯琊伯。宋封雷澤侯。明稱先賢。清仍之。

壤駟赤

先賢壤駟赤。字子徒。鄭康成云。秦人家語作駟赤。字子從。唐開元中從祀。

時中謹考壤一作攘。秦人。唐贈北徵伯。一作化徵伯。一作北衛伯。宋封上邽侯。明稱先賢。清仍之。

石作蜀

先賢石作蜀。字子明。蔡之成紀人。或曰石作複姓。唐開元中從祀。

時中謹考石作蜀。一作石之蜀。一作石子蜀。字子明。唐贈郿邑伯。一作石邑伯。宋封成紀

侯。明稱先賢。清仍之。

公夏首

先賢公夏首。字子乘。唐開元中從祀。

時中謹考公夏首。一云名首。字乘。一作子乘。魯人。唐贈元父伯。宋封鉅平侯。明稱先賢。清仍之。

后處

先賢后處。字子里。齊人。家語作后處。唐開元中從祀。

時中謹考后處。一作石處。字子理。一作理之。齊人。唐贈營邱伯。宋封膠東侯。明稱先賢。清仍之。

奚容蒧

先賢奚容蒧。字子偕。家語作奚蒧。史記作奚容蒧。魯人。奚仲之後。唐開元中從祀。

時中謹考奚容蒧。字子偕。按蒧即點字。一作奚蒧。子偕。一作子偕。魯奚仲後也。唐贈下邳伯。宋封濟陽侯。明稱先賢。去封爵。清仍舊。

顏祖

先賢顏祖。字子襄。魯人。史記作顏相。唐開元中從祀。

時中謹考顏祖。一云名相。字襄。一作子襄。魯人。唐贈臨沂侯。宋封富陽侯。明稱先賢。去封爵。清仍舊。

句井疆

先賢句井疆。字子疆。衛人。家語作勾。字子界。山東通志云。字子孟。魯人。唐開元中從祀。

時中謹考句井疆。字子孟。按句音鈞。子孟一作子疆。衛人。唐贈淇陽伯。宋封濠陽侯。明稱先賢。清廟廡木主。正書先賢句井疆。

秦祖

先賢秦祖。字子南。魯人。鄭康成云。秦人。唐開元中從祀。

時中謹考秦祖。秦人。鄭亦云。秦人。通考亦云。秦人。唐贈少梁伯。宋封鄆都侯。明稱先賢。清仍舊。

縣城

先賢縣成。字子祺。魯人。家語作懸成。字子橫。唐開元中從祀。

時中謹考縣成字祺。文廟通考云。一作子橫。一作子期。魯人。唐贈鉅野侯。宋封武城侯。明稱先賢。清仍之。

公祖句茲

先賢公祖句茲。字子之。魯人。家語作公祖茲。無句字。唐開元中從祀。

時中謹考公祖句茲。字子之。文廟通考亦作公祖句茲。唐贈期思伯。宋封即墨侯。明稱先賢。清仍稱先賢公祖句茲。

燕伋

先賢燕伋。字子思。或云漁洋人。唐開元中從祀。

時中謹考伋一作級。字子思。一作字思。秦人。見文廟通考。唐贈漁洋伯。宋封沂源侯。明稱先賢。清仍稱先賢燕伋。

樂欬

先賢樂欬。字子聲。唐開元中從祀。

時中謹考先賢樂欵。一云名欣。字子聲。魯人。唐贈昌平伯。宋封建成侯。明稱先賢。清仍之。

狄黑

先賢狄黑。字子皙。一作哲。家語云。字哲之。唐開元中從祀。

時中謹考狄黑。衛人。一云狄墨。字子皙。一作哲。一作子皙。見通考。唐贈臨濟伯。宋封林慮侯。明稱先賢。清仍之。

孔忠

先賢孔忠。字子蔑。一作篋。家語云。孔子兄子有孔篋者。與宓子賤皆仕。唐開元中從祀。

時中謹考子忠。一云名弗。字子蔑。據通考云。孔子兄孟皮子也。唐贈汝陽伯。宋封鄆城侯。明稱先賢。清廟廡木主正書孔忠。

公西蒧

先賢公西蒧。字子尙。家語云。公西蒧。字子尙。鄭康成云。蔡人。唐開元中從祀。

時中謹考公西蒧。字子尙。魯人。見文廟通考。唐贈祝阿伯。宋封徐城侯。明稱先賢。清仍之。
顏之僕

先賢顏之僕。字子叔。魯人。唐開元中從祀。

時中謹考顏之僕。據通考一作顏僕。字子叔。一作字叔。魯人。唐贈東武伯。宋封宛句侯。明稱先賢。清廟廡仍正書顏之僕。

施之常

先賢施之常。字子恒。魯人。唐開元中從祀。

時中謹考施之常。字子恒。通考云。一作子常。魯人。唐贈乘氏伯。宋封臨濮侯。明稱先賢。清仍之。

申振

先賢申振。史記作申黨。字周。家語作申續。一作申續。字子周。禮殿圖作申儻。今所傳禮殿圖。有中黨。無申儻。司馬貞文翁圖。有申振。今所傳文翁圖。有申黨。邢昺論語注疏云。申振孔子弟子。唐開元中。以申黨從祀。宋以申振定爲二書。明嘉靖中從祀。

時中謹考魯論載振也。欲焉得剛。注亦稱孔子弟子。魯人。據史記則作申黨。家語則作申續。漢鄭康成。唐陸德明。宋王應麟。明夏洪基。俱以爲一人。是仍以魯論。或對申振爲是。唐

贈魯伯宋封文登侯明祀先賢申振清亦祀先賢申振

左邱明

先賢左邱明。中都人。楚左史倚相之後。爲魯史官。嘗受經於孔子。作春秋傳。唐貞觀十二年。議同顏子配饗。詔同公羊高從祀。崇禎十五年。以其親受經於聖人。改稱先賢。升序令位。時中謹考左邱明魯太史。論語載左邱明恥之。邱亦恥之。之語。是邢昺云。受經於仲尼者。朱子又云。古之聞人。然據通考。孔子因魯史作春秋。左邱明懼失其真。爲內傳外傳。國語二十一篇。以授曾申。遞傳至劉歆。則受經之左邱明。實確證也。唐貞觀二十一年。配享孔子廟。永徽中。降從祀。宋封中都伯。明改先儒。崇禎十五年。稱先賢。位七十子下。清仍之。

秦冉

先賢秦冉。字子開。魯人。唐開元中從祀。明嘉靖九年正祀典。張璠引程敏之議。以家語不載。疑史記誤書。罷祀。雍正二年復祀。

時中謹考秦冉。字開。一作子開。通考云。史記有家語無蔡人。唐贈彭衙伯。宋封新息侯。明罷祀。清雍正二年復祀。稱先賢。

公明儀

先賢公明儀。咸豐三年從祀。原東廡。今移西廡。

時中謹考公明儀武城人。見孟子有文王我師。周公豈欺我之語。禮記檀弓。子張之喪。儀爲志焉。又祭義嘗問孝於曾子。鄭康成稱嘗學殷禮於孔子。朱子語類稱爲篤信好學云。據諸說是生於周時。學於孔子。列在弟子。曾問學於子張曾子。而孟子嘗述其學說也。清咸豐三年從祀。位東廡縣廡之次。唐宋明均未封爵。

公都子

先賢公都子。孟子弟子。問對見孟子七篇。宋政和五年從祀。

時中謹考公都子。與萬章公孫丑同爲孟子弟子。萬章公孫丑記孟子七篇內。曾載其與孟子問答之言。通考云。宋政和五年諡平陽伯。從祀鄒縣孟子廟。清雍正二年從祀。孔子廟。稱先賢。

公孫丑

先賢公孫丑。孟子弟子。後漢趙岐孟子題辭云。於是退而論集所與高弟公孫丑萬章之徒。

疑。疑問。又自撰其法度之言。著書七篇。二百六十一章。宋政和五年。從祀鄒邑孟子廟。清嘉正二年。從祀孔子廟。

時中謹考公孫丑齊人。嘗稱管仲晏子。問答見孟子七篇。與萬章曾記孟子。與弟子及時君辯論之言。蓋親受學於孟子。而得其傳者。宋政和五年。封博興伯。從祀孟子廟。清雍正二年。詔從祀孔廟。稱先賢升序今位。

張載

先賢張載。字子厚。長安人。學古力行。爲關中士人宗仰。世稱爲橫渠先生。著書號正蒙。又作西銘。學者至今尊其書。嘉定十三年。賜諡曰明公。淳熙元年。封郡伯。從祀孔子廟。明天啓二年。詔世襲翰林院五經博士。崇禎十五年。詔稱先賢。升序今位。

時中謹考載少喜兵。年二十一。謁范仲淹。勸讀中庸。既反。求之六經得之。後游京師。坐虎皮講易。適二程至。與論易。自以爲弗如。令學者師事之。旋舉進士。遷雲巖令。每月吉。具酒食。召鄉老會縣庭。親爲勸酬。示養老敬賢。問民間疾苦。訓誡子弟。熙寧初。校書崇文院。移疾居南山講學。教人以知禮成性。變化氣質爲主。嘗言秦漢來學者。求學賢人。不知求學

聖人是一大弊。其學宗旨易禮。而克行孔子中庸之道。嘗黜怪妄。辯鬼神。至家昏喪祭一遵以古禮。所論定井田宅里振興學校之法。皆可見實行。後呂大防薦之知太常禮院議禮。以疾卒。著有西銘。伊川稱其理一分殊。與孟子性善養氣同功。嘉定十三年。謚明公。淳熙元年封郡伯。從祀。明嘉靖九年改稱先儒。崇禎十五年稱先賢。位七十子下。

程頤

先賢程頤字正叔。伯淳之弟。著易春秋傳。以傳於世。平生誨人不倦。出其門者皆名士。卒門人祠頤於北巖。世稱爲伊川先生。嘉定十三年。賜謚正公。淳祐元年從祀。

時中謹考程頤字正叔。年十八上書闕下。黜世俗以明道。游太學。胡瑗得頤子所好何學文。即延以學職。呂希哲先師之。哲宗初。司馬光呂公著疏其行義。擢崇政殿說書。上疏選名儒入侍講學。多親賢士大夫。漸遠寺人宮女。以變化氣質而成聖德。嘗因上盍避蟻。勸推恩四海。文因神宗未除喪。改賀爲慰。既除喪宜用吉禮。後因帝疾。不御邇英。宰相不知問疾事。蘇軾不悅。董敦逸等誣之去官。徽宗立。復官。年七十五卒。嘉定十三年。賜謚正公。頤之學本於誠。一動一靜必師聖人。其不至聖人不止。張子稱其十四五歲。便銳然學聖。

卒。倡明正學。紹孔孟之道。其教人以大中論孟爲標。而達於六經。時稱伊川先生。淳祐初。從祀。封浴國公。崇禎十五年。稱先賢。位七十子下。清仍之。

先賢西廡

穀梁赤

先儒穀梁赤。周末魯人。子夏弟子。而傳義之精。公羊弗能及。唐貞觀二十一年。從祀。

時中謹考穀梁赤。受經於子夏。爲傳春秋。名春秋穀梁傳。與公羊傳左傳稱三傳。漢宣帝。聞衛太子好穀梁。問韋賢。韋云穀梁乃魯學。公羊乃齊學。穀梁之學。於是大盛。唐貞觀詔。從祀廟庭。宋祥符二年。封龔邱伯。明嘉靖九年。改稱先儒。清仍位西廡先儒第一。

高堂生

先儒高堂生。漢興魯高堂生。傳士禮十七篇。而魯徐生善爲頌。孝文時。徐生以頌爲禮官大夫。傳子及孫延襄。襄其資性善爲頌。不能通經。延頗能未善也。襄亦以頌爲大夫。至廣陵內史。延及徐氏弟子。公戶滿意。桓生單次。皆爲禮官大夫。居瑕邱。蕭奮以禮至淮陽太守。諸言禮爲頌者。由徐氏。唐貞觀二十一年。從祀。

時中謹考高堂生。字伯漢。齊卿。高敬仲食采於高堂。因氏焉。伯漢傳儀禮。在漢興時。計傳禮十三家。伯漢爲最。蓋禮自孔子時已不具。秦火後。亡缺益多。伯漢以傳士禮。爲漢博士。所傳凡十七篇。卽儀禮是也。唐從祀。宋封萊蕪伯。明稱先儒。清仍之。

董仲舒

先儒董仲舒。廣川人。少治春秋。孝景時爲博士。下帷講誦。弟子傳以久。次相受業。或莫見其面。蓋三年不窺園。其精如此。進退容止。非禮不行。學士皆師尊之。元文宗至順元年從祀。時中謹考董仲舒字寬夫。直隸景州人。少治春秋。孝景時博士。武帝詔舉賢良文學之士。仲舒上天人三策。爲江都相。事易王。王素驕好勇。恒以禮匡王。王敬重焉。後事膠西王。王亦縱恣。仲舒以身教。所居而化。去位家居。不問產業。專精講學。朝廷有大議。使使就問。條對皆有明法。蓋正誼明道。不計功利者。元至順元年從祀。廟廷。明封廣川伯。嘉靖九年改稱先儒。清仍之。

劉德

先儒劉德。漢河間獻王。元光五年卒。清光緒三年從祀。

時中謹考德漢景子封河間王。修學好古。實事求是。以金帛招求古文。先秦舊書。得周官五篇。缺冬官。千金購之。弗得。取考工記補之。古禮出魯淹中。王收集餘燼。獻之。王好詩。趙人毛萇受詩於子夏。最善詩。每說詩。王說之。他若尙書禮記。孟子。左氏。春秋之屬。皆經傳說。記七十子之徒所論。王被服儒術。造次必於儒者。山東諸儒多從之游。武帝五年來朝。獻雅樂對三雍宮。策三十餘事。文約指明。得事之中。天子下太樂官。存肄所獻樂。歲時備數。正月反國。薨。諡曰獻。清光緒三年從祀。

毛萇

先儒毛萇。趙人也。時爲河間獻王博士。授詩。貫長卿。長卿授解延年。延年爲阿書令。授徐敖。敖授九江陳俠。爲王莽講學大夫。由是言毛詩者。本之徐敖。按毛萇字萇公。大毛公亨之子。漢初有魯齊韓三家詩傳。萇受詩於亨。爲河間獻王博士。號小毛公。每說詩。王說之。取毛所說詩。傳加毛字。以別三家。鄭衆。馬融。賈逵。鄭康成。皆宗之。唐貞觀二十一年從祀。

時中謹考毛萇。大毛公亨之子。小毛公也。善詩。初孔子刪詩。成三百十一篇。以授子夏。子夏授曾申。申授李克。克授孟仲子。仲子授根牟子。根牟子授荀卿。卿授毛亨。亨授萇。萇爲

河間獻王博士。王悅詩。立毛氏學。凡襄所說詩加毛字。取別齊魯韓三詩。故漢儒詩學。獨推毛氏。唐貞觀二十一年。配享孔子廟庭。永徽中降從祀。宋大中祥符二年。封樂壽伯。明嘉靖九年。改稱先儒。清仍之。

杜子春

先儒杜子春。字時元。河南偃師人。自秦禁學。周官不傳。武帝時。河間獻王。開獻書之路。得周官有五篇。失冬官一篇。乃募以千金。不得。取考工記以補其闕。至成帝時。永平杜子春始能通其讀。鄭衆。鄭興。亦嘗傳授。皆引以考釋異同。後馬融作周官傳。鄭元作周官注。皆祖於杜氏。唐貞觀二十一年從祀。

時中謹考杜子春。河南偃師人。通周官。初受業劉歆。得其學。歸以教授鄉里。永明初年。已九十。猶能誦識。漢興。鄭衆。馬融。賈逵。皆受業焉。後衆逵作周禮解。融作周官傳。康成作周官注。宗旨一本子春。唐從祀。宋封緱氏伯。明改稱先儒。清仍之。

諸葛亮

先儒諸葛亮。字孔明。瑯琊陽都人。漢司隸校尉。諸葛豐後也。文中子謂諸葛無死。禮樂可興。

杜拾遺謂伯仲伊呂。裴晉公謂膺運五百。程子謂有王佐才有儒者氣象。朱予謂武侯氣象。大宣公不及。蘇氏謂出師二表與伊訓說命相表裏。皆確論也。清雍正二年從祀。

時中謹考孔明少隨從父元依劉表。元卒。寓南陽。與石廣元。徐元直。孟公威游學。亮讀書觀大略。長爲梁父吟。以管樂自比。先主凡三顧乃出。計以興漢室。成霸業。說先主聯吳并力攻魏。大破曹於赤壁。建安十六年。先主平成都。進亮爲軍師將軍。署左將軍府事。二十六年。先主即位。以亮爲丞相。錄尙書事。先主崩。後主即位。封武鄉侯。政事無鉅細取決焉。亮法律嚴明。賞罰必信。厲兵戎。工器械。能爲木牛流馬運輸機巧絕倫。建安二年。領益州牧。舊德三年南征。孟獲就禽。五年駐漢中。圖中原。上出師表。六年攻祁山。拔冀城。獲姜維。關中響應。其年冬亮聞孫權破曹休。欲乘虛擊之。再上出師表。出兵散關圍陳倉。七年攻武都陰平。拔二郡。八年西入羌中。大破魏於陽溪。九年軍祁山。破魏軍。司馬懿遇於上邽。魏延逆擊大敗之。時以糧盡退兵休息。十二年。悉衆出據武功五丈原。與懿對壘。渭南分兵屯田。爲持久計。八月卒於軍。年五十四。諡忠武。洪武二十一年。詔從祀昭烈帝廟。清雍正二年。詔從祀孔子廟。稱先儒。

王通

先儒王通。字仲淹。隋末龍門人。父隆爲綱川令。始生。隆筮之曰。是子必能通天下之志。因名曰通。卒年三十四。弟子會議。取黃裳元吉。文在其中的義。私諡曰文中子。其子福郊。福時。彙集薛收姚義。以及門人問對之語。爲中說十篇。馬端臨曰。王氏諸書中說之外。唐藝文志所無。皆旣逸僞作也。明嘉靖九年從祀。

時中謹考通年十五。受書於李育。學詩於夏璠。問禮於關子明。正樂於霍俊。考易於族父仲華。勤習六年。旣問仁壽初。遊長安。文帝召見。陳太平十二策。帝大悅。下其議。不果行。後累徵不至。專事教授。續詩。著禮論。樂論。修元經。纂易。稱王氏六經。河汾學者以千數。及卒。門人擬論語。集其嘉言懿行。與其問答之語。成中說。明嘉靖九年從祀。稱先儒清仍之。

韓愈

先儒韓愈。字退之。鄧州南陽人。擢進士第。卒年五十七。贈禮部尙書。諡曰文。宋元豐七年從祀。清乾隆三年詔世襲翰林院五經博士。

時中謹考韓愈。唐貞元八年進士。憲宗即位。權知國子博士。遷職方員外郎。愈才高數被。

黜。作進學解。後以考功知制誥。十二年。淮西節度使裴度。請愈爲行軍司馬。愈請以三千人。間道入城。擒吳元濟。又延栢耆以書招降王承宗。有功。遷刑部尙書。十四年。上遣使迎佛骨。上表極諫。貶潮州刺史。潮患鱷。愈爲文祝之。西徙六十里。袁人男女爲隸。過期不贖。則沒入之。愈計備得贖所沒歸之。父母七百人。奏請著爲令。頒天下。十五年。拜國子監祭酒。生徒聽講。皆歎服之。長慶二年。詔宣撫鎮州。引天寶閒福禍利害言之。衆大服。歸奏上。悅。轉吏部侍郎。凡令史。皆不銷聽其出入。三年。改京兆尹。六軍將士。皆不敢犯。曰。是燒佛骨者耶。四年十二月。年五十七卒。贈禮部尙書。諡曰文。遺命不作佛事。拘忌陰陽吉凶。可稱守禮嫉邪。死生不渝。自戰國尙老莊。漢明尙佛。晉宋來。佛說益熾。久與儒教爭鋒。愈作原道。極力排逐。立言正大。發先儒所未發。其爲文深探本原。揭明六經之旨。不爲奇險聲調之陋。後之學爲文者。始知道德仁義。文章之種。易書詩禮春秋文章之根。唐宋以來。能以文載道者。一人而已。柳宗元。得其文。以薔薇露浣手。然後讀。其尊重如此。宋從祀廟庭。封昌黎伯。明改稱先儒清仍之。

胡瑗

先儒胡瑗。字翼之。秦州海寧人。以經術教授。吳中年四十餘。以太常博士致仕。歸老於家。諸公與朝士祖餞東門外。時以爲榮。卒。詔賻其家。明嘉靖九年從祀。

時中謹考。瑗讀書泰山。嘗患隋唐以來仕進。尙文辭。遺經業。教授蘇湖。置經義治事兩齋。擇有器識者居經義齋。能治民兵水利算數者居治事齋。慶歷四年。建太學於京師。下湖州取其法。及瑗居太學。學者衆甚。禮部所得士。弟子十居四五。嘉祐元年。遷太子中允。充天章閣侍講。仍居太學。致仕歸。朝士大夫。皆執弟子禮。錢之年六十七卒。自明道以來。能以身教人而立師道者。人稱安定先生。著有洪範口義二卷。明嘉靖九年從祀。稱先儒。清仍之。

韓琦

先儒韓琦。字稚圭。相州安陽人。執政三朝。或病其專。堅辭去位。卒年六十八。贈尙書令。謚忠獻。配饗英宗廟廷。政和五年。追論定策功。加封魏郡王。後封儀國公。清咸豐二年從祀。

時中謹考。琦。弱冠舉進士第二。授將作監丞。後拜右司諫。前後七十餘疏。王會稱其切近。不迂。嘗安撫益州。活饑民百九十萬。又安撫陝西。討平羣盜。時晏殊厭兵。將從契丹之要。

索琦陳不便。宜先行者七事。又救弊八事。帝悉納之。天下稱爲韓范。繼陳西北四策。定討伐之計。徙定州。盡將潘美舊棄忻代寧化大山之地。立屯墾法。得田至九千六百頃。嘉祐三年。拜同中書門下平章事。集賢院大學士。與司馬光。歐陽修等。建策立太子宗實。及英宗嗣位。兩宮不和。與修等委曲進諫。帝感悟。拜右僕射。封魏國公。帝疾。勸立儲貳。草制立穎王。神宗立。拜司空。兼侍中。琦執政三朝。御史王陶劾其專。除鎮武兩鎮節度使。辭。但鎮淮南。時王安石新法行。琦極言不便。屢辯不聽。六年。判相州。契丹求代北地。帝手詔訪琦。琦言疆土素定。宜如舊境。若果敗盟。當振威武以復故疆。會安石再相。竟與契丹爭地。東西七百里。八年。換節永興軍。未拜而薨。年六十八。帝篆其碑曰。兩朝顧命。定策功臣。贈尙書令。謚忠獻。配饗英宗廟。琦氣量宏偉。言事喜怒不形。至臨大事。決大策。則死生利害不計也。遼使每過。必移牒書名。遼主命工圖其像貌。名重外國如此。徽宗追論定策勳。贈魏郡王。清咸豐二年。詔從祀。稱先儒。

楊時

先儒楊時。字中立。劍南將樂人。幼穎異。能屬文。稍長。潛心經史。以著書講學爲事。卒年八十。

三。謚文靖。明宏治八年從祀。

時中謹考楊時字中立。與游酢同事程頤。得理一分殊之旨。知瀏陽。餘杭。蕭山三縣。有惠政。學者交稱龜山先生。卽高麗國王。且嘗問先生名。後遷著作郎。除邇英殿說書。金人闖京。勤王兵四集。時言當立統帥。一號令。及敵兵退。議割三鎮講和。時諫不可。會李綱罷。陳東率軍民數萬上書。上命時兼祭酒。勸之乃定。因奏修改宣仁謗史。黜王安石配享孔廟。爲陳過庭等詆忌。時求去。除給事中。改待制。計居諫垣九十日。劾安石。排和議。不割三鎮。舉犖三大事。皆救時之策。高宗除工部侍郎。兼侍講。未赴。卒。年八十三。謚文靖。江東學者。推時爲程氏正宗。先達陳瓘鄒浩師事之。著有文集。明宏治九年從祀。嘉靖九年稱先儒。

游酢

先儒游酢字定夫。建州建陽人。少學於程子之門。清德重望。爲人心所推重。著論語孟子雜解。中庸義。易說。詩二南義。生平出處。史傳昭垂。尤爲躬行實踐。清光緒十八年從祀。

時中謹考游酢字定夫。與楊時嘗立雪程門。門外雪深三尺。其學行精勤。詳載近思錄。生平出處不苟。尤爲學者所稱。著易說詩義行世。清光緒十八年從祀。稱先儒。

尹焯

先儒尹焯。字彥明。一字德允。世爲洛陽人。少師事程頤。其言行見於鄆陵記善錄爲詳。有論解。門人問答。傳於世。清雍正二年從祀。

時中謹考焯性鈍。從伊川。與張繹同學。而頤獨許其篤行。种師道薦至京。賜號和靖處士。呂奸問。胡安國奏焯才可大用。後家於涪。關三畏。六有二齊居之。高宗渡江。元祐學術之禁稍弛。楊時。胡安國。朱震。薦甚力。給行資。遣漕臣奉詔迎之。始就道。祭告伊川墓曰。能行所學。未也。不辱師門有之矣。焯至建康。堅辭。乃就職。每進講。必沐浴。乃進。曰。欲以所言。感悟君父。敢不敬乎。八年。遷少監。適秦檜議和。焯諫。疏抵檜。遂辭職。新命十二年。卒。年七十二。其人質直宏毅。比老。養氣。養心之功不倦。邢寬問。主一之謂敬。有甚形影。曰。只收斂身心。便是。蓋以主敬爲體。而得伊川動靜一理之旨者。著論語解。及文集。高宗有曰。觀尹焯所行。盡一部論語。人謂焯之知己。清雍正二年從祀。稱先儒。

胡安國

先儒胡安國。字康侯。建甯人。入太學。以程頤之友。朱長文。及潁川靳裁之爲師。裁之與論史。

大義器重之。三試於部。中紹興四年進士。有文集十五卷。資治通鑑補遺一百卷。明正統二年從祀。

時中謹考安國游太學。與楊時游。醉。謝良佐宗伊洛學。哲宗親擢進士第三。提舉湖北學事。改湖南。至則訪求人才。咨詢利弊。時與楊時謝良佐訪道。必端笏正立。靖康元年。除太常少卿。不就。一日召見。勸上擢明儒訪問治平之道。除中書舍人。賜三品服。後因李綱罷。而觸怒耿南仲。遂出知通州。紹興初。復中書舍人。兼侍講。命點正春秋音讀。上言春秋經世大典。今欲削平僭叛。宜儲心聖經。於是以左氏繁碎。專講春秋。後因呂頤浩欲傾秦檜。適朝議以朱勝非代頤浩。安國不可。乃改侍讀。安國不願與同列。遂去職。休於衡嶽。著書四年。成春秋傳上之。謂得聖人之旨。五年。除永州。頃兼侍讀。陳公輔禁程頤學。安國奏。自嘉祐來。邵雍張載程顥程頤皆道德名世。請下禮官加封爵。載在祀典。頒行遺書。奏入。公輔等交章論之。出知永州。久之。上以訓經納諫。進寶文閣直學士。年八十五卒。謚文定。蓋立志聖學。而度量宏遠。有愛國愛民之實心。渡江以來。學者進退合義。以安國尹焞爲首。謝良佐稱其大冬松柏。挺然獨秀。明正統二年從祀。封建甯伯。嘉靖九年稱先儒。清仍之。

李侗

先儒李侗。字愿中。劍浦人。年二十四。聞郡人羅從彥。得河洛之學。遂從從彥。學而得道。明萬歷三十九年從祀。

時中謹考侗。從羅從彥。受春秋中庸語孟之學。盡得所傳之奧。居山田。謝世故四十餘年。嘗以周茂叔光風霽月。顧謂學者曰。存此氣象於胸中。庶遇事廓然義理少進矣。晚以二子有直信甫成進士。試吏旁郡。更請迎養。會閩帥汪應辰。以書幣聘。至日卒。年七十一。諡文靖。學者稱延平先生。同學以明天理正人心。崇節義厲廉恥爲本。故鄧迪謂其冰壺秋水。瑩徹無瑕。朱松然之。朱子師侗。每去復來。所聞必益超絕上達不已。又稱其道德純備。學術通明。求之當世。殆絕倫比。所傳問答一卷。朱子記其與侗往來論學之語。明萬歷三十九年從祀。稱先儒清仍之。

呂祖謙

先儒呂祖謙。字伯恭。尚書右丞好問之孫也。至其祖始居婺。其學本之家庭。有中原文獻之傳。修讀詩記大筆記。皆未成書。考訂古周易書說。闡範官箴辨志錄。歐陽公本末。皆行於世。

晚年會友之地。曰麗澤書院。在金華城中。既沒。郡人即而祠之。子延。理宗景定二年。皇太子詣學。請以張栻。呂祖謙。受讀制曰可。

時中謹考伯恭。以儒行名世。嘗以朱子張栻爲友。講伊川之學益精。後由進士中博學宏詞科。除太學博士。久愛陸九淵文。未識其面。時試禮部。得一卷。曰此必小陸文。揭示果然。衆服精鑒。嘗面奏以上下內外不宜侵奪。以混體統。又言文治遠過前代。而武績未著。此元昊之難。范韓莫平。遷著作郎。請祠歸。詔編皇朝文海。採取精詳。黜浮崇雅。上美其名曰文鑑。賜銀絹二百疋。兩年四十五卒。賜諡成祖。謙學宗關洛。而氣度和平。所交游皆卓犖雄偉。朱子稱其學能變化氣質。嘗與朱子論學云。學者推求言論工夫常多。點檢日用工夫常少。整頓收斂則入於著力。從容游泳。又墮於悠悠。必涵養多於講說。讀經多於讀史。然後可久可大。又曰操存則血氣循軌而不亂。收束則精神內守而不浮。朱子時採其言以教人。尤妙於教習兒童。先令恭謹不輕忽。不躐等。然後讀書。居家之政俱可爲法。所著有考定古周易書說。人稱東萊先生。理宗追封開封伯。從祀廟廷。明嘉靖九年改稱先儒。清仍之。

袁燮

先儒袁燮。字和叔。生而端整。專靜。稍長。慨然以名節。以自期。入太學。登第。其學初得於陸九齡。復師事九淵。發明心性之旨。每言人心與天地一本。精思以得之。競業以守之。則與天地相似。學者稱爲潔齋先生。清同治九年從祀。

時中謹考袁燮。甯宗初進士。以太學正召。時朱子。趙汝愚罷。燮亦以論去。久之。以司封入對。勸上勤學好問。累擢國子監祭酒。以忠信篤實教諸生。遷禮部侍郎。忤史彌遠罷。奉祠卒。其學本於九淵。發明本心之旨。時稱絜齋先生。著絜齋家塾書鈔十二卷。毛詩經筵講義四卷。絜齋集二十四卷。清同治七年從祀。位西廡。宋儒呂祖謙之次。

黃幹

先儒黃幹。字直卿。福州閩縣人。持程朱義。設教。後門人請諡。特贈朝奉。即與一子。下州文學。諡文肅。有經解文集行世。雍正二年從祀。

時中謹考黃幹。字直卿。受業朱子。夜不解帶。厲學達曙。朱子以幹志堅苦。與居處必有益。以女妻之。朱子編禮書未成。病卒。作書與訣。遺以深衣。及所著禮書曰。吾道之託在汝。吾

無憾矣。寧宗時。幹奏續成。授將仕郎。後知臨川。歷新淦。漢陽。除安慶府。教養善政。所在有聲。金人破光山。及諸關。獨安慶無虞。民喜曰。黃父生我。一日至白鹿書院。講乾坤二卦。山南北之士受業焉。後除大理丞。俄命知湖州。致仕歸。學者請益如事朱子時。稱勉齋先生。蓋朱子弟子中。強毅自立。克任大道者。卒諡文肅。贈朝奉郎。著有書說。論語通釋。論語意原。文集。清雍正二年從祀。稱先儒。

輔廣

先儒輔廣。宋朱子門人。生卒年無考。清光緒五年從祀。

時中謹考輔廣。學本朱子。魏了翁嘗從之游。其事實文廟通考亦未載。宋明亦無封爵從祀年。在清光緒初間。其稱朱子門人。當與黃幹陳淳同時人。

蔡沈

先儒蔡沈。字仲默。福建陽人。元定次子也。少從朱熹游。熹晚年欲著書傳。未及爲。遂以屬沈。洪範之數。學者久失其傳。元定獨心得之。而沈成其書。明洪武中。頒所著書集於學官。正統二年從祀。

時中謹考沈從學朱子。朱子命名沈。與字仲默。意欲其沈潛於道。默體而得之。年十三有志學聖賢。終日默坐。頓悟天地之心。萬物之情。求之我身。萬理畢具。其父得洪範之數未論著。而沈成書。朱子晚年屬以書集傳。沈都續成之。家九峯。時稱九峯先生。蓋聞道最早。而克成父志善述所學者。卒於紹定三年。年六十四。明正統二年從祀。成化二年。追封崇安伯。嘉靖九年改稱先儒。清仍之。

魏了翁

先儒魏了翁。字華父。邛州蒲江人。詔贈太師。謚文靖。賜第蘇州。累贈秦國公。所著有鶴山集。九經要義。周易集義。易舉隅。周禮井疆圖說。古今考經史雜鈔。師友雅言。欽定四庫全書簡明目錄云。了翁研究經術。其文根柢純正。而紓餘宕折。出於自然。清雍正二年從祀。

時中謹考了翁幼悟慧。稱神童。嘗從輔廣李燔游。慶元初諱言。道學了翁試進士策及之。召試博士。以急於內修。姑道外攘。對時計開邊。衆大驚。改秘書省正字。遷校書郎。值韓侂胄坐誅。史彌遠又用事。了翁辭召。隱白鶴山。蜀人從之講義理學。後知眉州。擢潼川提刑。改轉進判官。所至講學。人稱魏夫子。揭明敬字大義。以孔門說仁處。如四勿二如之類。都

有敬意。不必在擊踞曲象正坐默拱也。如周程說誠字敬字仁字處。乃得主一本旨。因疏言朱熹張栻。學本於周程。張今熹栻賜易名。而遺周程等何也。廷議著照所請。嘉靖十五年。被召上迎勞。遷起居舍人。時陳疆場安危。鄰敵動靜。及士宦流弊。無所諱。理宗即位。史彌遠執權。了翁降三官。靖州居住。湖湘江浙學者遠至肄業。紹定四年。起知瀘州。入則經橫課生。出則教練士卒。夷虜遠引。擢華文閣待制。乃章上十弊。疏陳萬言。上覽之動容。與真德秀并招之。時梁成大排真德秀真小人。魏了翁僞君子。了翁入對。首明君子小人之辨。爲進退人物之區。他所陳十餘事。上悉納之。計還朝六閱月。前後四十餘奏。皆切中時事。旋因邊警。出督視京湖江淮軍馬。賜便宜。了翁開府江州。徽將帥徵援師。黜懦將獎勵忠節。奏邊防十事。二旬。召僉書樞密院事。辭不拜。嘉靖元年卒。諡文靖。贈秦國公。著九經要義。居靖時成書。發明先儒所未及。有鶴山集。時稱鶴山先生。蓋反身求仁。而有志行義達道者。清雍正二年從祀。稱先儒。

王栢

先儒王栢。字會之。婺之金華人。少慕諸葛亮爲人。自號長嘯。諡文憲。所著有讀易說。涵古易。

說大象演義。涵古圖書。讀書記。書說。詩辨。禮說。讀春秋記。論語衍義。太極衍義。伊洛精義。研幾圖。書經章句。論語通旨。孟子通旨。書附傳。左氏正傳。讀國語。閩學之書。文章復古。文章續古。濂洛文統。擬道志。朱子指要。詩可言。天文考。地理考。墨林考。大爾雅六藝字原。正始之音。帝王歷數。江右源淵。伊洛精義。雜誌。周子發遺三昧。文章指南。朝華集。紫陽詩類。家乘文集。清雍正二年從祀。

時中謹考王栢年三十始知家學之源。力求道。著論語通旨。至執事敬。怵改長嘯。號魯齋。師事何基。有志朱子居敬之學。於大中論孟通鑑綱目。注釋獨詳。居家夙興見廟。飭庠諸務。悉整。雖盛暑子弟白事。必衣冠而見。其處兄弟。宗族克盡友道。實行合族法。其友汪開卒。貧無能斂。給貲葬之。主講麗澤上蔡書院。講大學。童齡耆老親領經訓。祭酒楊文仲請於朝。謚文憲。贈承事郎。清雍正二年從祀。稱先儒。

陸秀夫

先儒陸秀夫。字君實。鹽城人。幼才思清麗。一時文人少能及之。清咸豐九年從祀。

時中謹考陸秀夫。幼以文名。登景定進士。時稱得士。除起居舍人。以禮部侍郎。使元請和。

還從二王走溫州。進端明殿學士。簽樞密事。居行間。久知軍務。陳宜中每事諮訪行之。後被言者劾罷。張世傑讓宜中。亟召還。時君臣播遷。楊太妃垂簾。秀夫正笏立朝。適王以疾殂。羣臣散。秀夫獨擁戴衛王立。與世傑共秉政。內立法度。外運籌策。凡百制作。出自手定。雖危處顛沛。猶日以大學進講。及事不可爲。兵潰之日。驅妻子入海。自負帝赴海死。年四十四。清咸豐九年從祀。

許衡

先儒許衡。字仲平。元河內人也。大德二年。贈光祿大夫。司徒。諡文正。至大二年。加正學垂憲佐運功。以大傳。開封儀。同三司。改魏國公。皇慶二年。從祀。元端初。詔立書院。京兆以祀衡。給田奉祠事。名魯齋書院。魯衡居魏時。所著齋名也。子師可。

時中謹考許衡從姚樞學。得程朱書說。始信小學四書如神明。樞被徵。衡獨學蘇門。以道自重。以綱常一日不可亡。專精經傳。兼習子史禮樂兵刑食貨水利等書。世祖卽位。召至京。衡言治亂休戚。必以義爲宗。王文統奏樞與竇默爲師傅。衡爲太子太保。衡言禮師傅與太子位。東西鄉。師傅坐。太子乃坐。公等度能復此禮。立師道乎。於是二公辭師傅。衡辭

太保。改國子祭酒。至元二年。命議事。中書省。疏時務五事。六年。定朝儀。儀成。詔定官制。適阿合馬典民與財。其子典兵。衡抗議曰。兵民財三者。國之大權。不可令合馬專也。七年。命集賢院大學士兼國子祭酒。因請徵耶律有尚姚燧十二人。入齋課誦。暇習禮書算。少者習拜跪揖讓進退應對儀節。勤勤講說。成國家有用才。數年教成。乞還。十三年。詔王恂。郭守敬。定歷。恂言。衡知歷理。歷家僅知歷數。因召衡領太史院事。歷成。請還。十八年。卒。年七十二。曾自署其齋曰魯。時稱魯齋先生。明儒薛瑄。謂朱子後一人而已。著遺書八卷。行世。大德二年。諡文正。至大三年。贈司徒。魏國公。明嘉靖九年。改稱先儒。清仍之。

吳澄

先儒吳澄。字幼清。撫州崇仁人。少暇。即著書。至將終。猶不置也。春秋禮記。各有纂言。盡破穿鑿。以發其蘊。條歸紀叙。精明簡潔。卓然成一家言。作學基。學統二篇。使人知學之本。爲學之序。尤有得於邵子之學。校定皇極經世書。又校正老子莊子太元經紀律。及八陣圖郭璞算書。明正統八年。從祀。

時中謹考。澄居布水谷。著孝經。校正易詩書儀禮。及大小戴記。春秋。程鉅夫。請置所著書。

於國子監以資學者。皇慶元年。陞司業。爲教法四條。一經學。二行實。三文藝。四治事。英宗即位。遷翰林學士。進大中大夫。詔序浮屠藏經。澄言不可訓後世。止之。後英宗崩。實錄告成。奉旨賜宴。宴出登舟去矣。上念老臣。詔加資善大夫。以金織文綺二鈔。五千貫賜之。澄神氣雍肅。常拱手正坐。與人問答如流。著學基學統二篇。程鉅夫題其屋曰草廬。天歷三年。詔次子京爲撫州教授。以尊養耆老。年八十五卒。封臨川郡公。諡文正。明宣德四年。從祀見通考。宏治八年。罷清乾隆二年復祀。

許謙

先儒許謙。字益之。其先京兆人。後爲金華人。至元三年卒。年六十八。嘗以白雲山人自號。世以爲白雲先生。朝廷賜諡文懿。清雍正二年從祀。

時中謹考許謙。少受孝經於母氏陶。既受業於金履祥。得理一分殊之說。履祥又授以聖人之道中而已。謙乃事事求中而用之。厲行極嚴。而應世又不泥古不流俗。常關懷時局。以道自任。然守道甚堅。大吏列行誼薦章數上不至。後居華山講學。以論理爲開通學術。化變氣質之本。以爲己立心。以辨義利之趨。惰者作之。銳者抑之。拘者開之。放者約之。弟

子千餘人。講授四十年。年六十八卒。謚文懿。著四書叢說。詩名物鈔。書傳叢說。觀史治忽。幾微文集。時江浙行省爲請於朝廷。四賢書院。以祀何基。王栢。金履祥及謙云。清雍正二
年從祀稱先儒。

曹端

先儒曹端。字定夫。澠池人。永樂六年舉人。所著有孝經述解。四書詳說。周易乾坤二卦解義。太極圖說。通書。西銘釋文。性理文集。儒學宗統譜。傳心遺諸書。初端作川月交映圖。擬太極。學者稱曰川月先生。及沒。謚靜修。正統中。尙書彭澤。河南巡撫李楨。清從祀。孔子廟廷。不果。清咸豐十年從祀。

時中謹考端少讀太極通書西銘。始知道性最孝。父好釋氏。端謂佛氏以空爲性。非天命之性。老氏以虛爲道。非率性之道。父從之。上書毀淫祠百數。設里社。儲穀賑荒。存活甚衆。爲霍州學正。修明聖學。改蒲州學正。宣德九年。年五十九卒。端學以聖人之道。從太極上立根脚。爲人須從志士勇士。不忘上。參取。又曰性即理也。理之別名曰太極。曰至誠。曰大德。曰大中。名稱不同。道則一。霍州李德尊爲人師。時稱川月先生。蓋學宗周張而不惑於

僂者之空虛者。爲明初理學冠。清同治二年從祀。

陳獻章

先儒陳獻章。字公甫。新會人。正統十三年舉於鄉。宏治十三年卒。萬歷十二年從祀。追諡文年恭。

不時中謹考獻章之學。以主敬爲宗旨。其教人。但令端坐沈心。於靜中養出端倪。正統間。贊十七從吳與弼講學。築陽春臺。靜坐其中。偶然悟道。游太學。祭酒邢讓。試和楊時此日。至再得詩。及見獻章作。驚曰。真儒復出。龜山不如也。文名大震。給事中。賀欽。聽講。即日執天師事之。四方學者。日至。時彭韶。朱英。交章薦之。乞終養。授翰林院檢討。乞歸。後屢薦不恭。壹意專精道學。由博反約。得道本體。日用酬應之間。灑落自然。儼然吟風弄月氣象。而性純粹。孝行尤篤。蘭谿姜麟。以其善養氣體。稱活孟子。年七十三卒。萬歷十二年追諡文。詔從祀。稱先儒。

蔡清

先清蔡清。字介夫。晉江人。少遊侯官。從林珙學。易。盡得其肯綮。舉成化十三年鄉試第一。二

十年成進士。嘉靖十八年其子推官存遠。以所著易經四書蒙引進於朝。詔刊布。萬歷中追諡文莊。贈禮部右侍郎。清雍正三年從祀。

時中謹考蔡清初學易於林氏。繼以二札見知於王吏部恕。後以郎中歸養。武宗即位起江西提學副使。取士先德行後文藝。朔望日先拜廟。而次謁王。力斥甯王宸濠之驕恣。劉瑾亂政。恐天下怨謗。援蔡京召楊時故事。起清南京國子祭酒。未幾卒。年五十六。所著有易經蒙引。四言蒙引。文集。其學主靜主虛。以人心爲萬理之府。惟靜能去障礙。靜而虛。則直無障礙。蓋能靜以入道。得虛靈不昧之體者。以虛名齋。時稱虛齋先生。萬歷中追諡文莊。清雍正二年從祀。稱先儒。

王守仁

先儒王守仁。字伯安。餘姚人。其爲教專以致良知爲主。謂周程二子後。惟象山陸氏簡易直捷。有以接孟氏之傳。而朱子集註或問。乃中年未定之說。學者翕然從之。世遂有陽明學云。隆慶初。廷臣頌其功。詔贈新建侯。諡文成。二年予世襲世爵。繼又有請以王守仁與薛瑄陳獻章從祀文廟者。帝獨允之。萬歷十年從祀。

時中謹考守仁年十八講宋儒格物學始信聖人可學而至宏治十二年成進士授刑部主事還里關陽明洞銳志學聖十七年主考山東補兵部員外郎因抗章救戴銖謫龍場構龍南書院寅賓堂何陋軒君子亭玩易窩以講學劉瑾誅虔閩寇起詔巡撫南贛守仁厲戎士殲巨寇漳南橫水桶岡大帽淵頭悉平十四年宸濠反起兵吉安討之濠圍安慶守仁破南昌濠返軍自救遇守仁軍三戰樵舍大敗濠兵濠就禽詔兼江西巡撫陞南京兵部尙書未幾膺命總制江西湖廣兩廣四省軍務兼巡撫征思恩田州守仁殲其州土酋盧蘇王受思田平歸師就襲八寨斷藤峽破之時嘉靖六年也明年冬卒年五十七贈新建伯謚文成著五經臆說傳習錄朱子晚年定論文集教學者致良知之旨以良知即是非之心人皆有之不待學而有不待慮而得自聖人以至凡人歷千秋萬代後無不同者嘗自言孔孟沒幾千年良知之學不傳予賴天之靈頓復有見誠百世以俟聖人不惑者也學者翕然從之曾爲詩曰爾身各自天真不用求人更問人但致良知成德業漫從故紙費精神乾坤是易原非畫心性何形得有塵莫道先生學禪語此言端的爲君陳又別諸生詩曰縣綿聖學已千年良知兩字是仙傳欲識渾淪無斧鑿須從規矩出方圓

不離日用常行內。真造先天未畫前。握手臨岐更何語。慙慙莫媿別離筵。諸生欣然自信。得心傳之真。先是守仁在龍場窮荒。無書。目譯舊聞。中夜端坐。大悟大學格物致知之理。在自己心理上。不當但求諸事物。既而悟良知之學。尤篤守不移。蓋以事物之是非。全憑良心上之判斷。而此良心上之良知。人人所有也。故專主致良知。其學本九淵。與程朱異趣同歸。世稱陸王學派。明萬歷十二年從祀。稱先儒。清仍之。

呂坤

先儒呂坤。字叔簡。寧陵人。萬歷二年進士。剛介峭直。留意正學。居家之日。與後進講學。所著述多出新意。吏部尙書孫丕揚。前後推薦。疏至二十餘上。終不納。萬歷四十六年卒。年八十三歲。天啓初。贈刑部尙書。所著備忘集十卷。採入四庫全書。清道光六年從祀。

時中謹考呂坤。字新吾。年十五。讀性理書。有所得。成進士。授襄垣令。有政聲。萬歷三年授大同令。公署泐碑以民飢寒自厲。王家屏以坤爲天下第一。不受請託者。薦吏部主事。在部十年。崢嶸不少畏避。出爲山東參政。分守濟南。十八年。陞山西按察使。閱年。陞陝西右布政使。又明年巡撫山西。自責自任。杜絕餽遺贖羨等弊。二十一年。晉都察院左僉都御

史協理院事。明年擢刑部右侍郎。轉左侍郎。坤疏數千言。忌者危之。坤不辯引去。天啓初年。卒年八十三。贈刑部尙書。明季儒臣最爲醇正。學者稱沙隨夫子。嘗曰。吾學只事心一著。最爲吃緊。若把心破。耳目口鼻四肢不能爲他作一主。張矣。又曰。自私自利之心。是立人達人之障。舜跖關頭在此。宰相福清薦於上。竟不謝。權璫某齋書帛至。璧出原函。其學剛健篤實。能守正不阿。而不爲外物所奪者。臨卒作返輓歌自餞。自撰墓誌銘。皆省察克治功。所著有呻吟語。閨範。四禮翼。家禮疑。去僞齋集。實政錄。交泰韻。清道光六年從祀。稱先儒。

黃道周

先儒黃道周。字幼平。漳浦人。天啟二年進士。改庶吉士。授編修。學貫古今。所至學者雲集。銅山在孤島中。有石室。道周自幼坐臥其中。學者稱爲石齋先生。精天文。歷數。皇極諸書。所著有易象正。三易洞璣。及太函經。學者窮年不能通其說。自謂終於丙戌年六十二。人始信其能知來也。清乾隆四十一年。賜諡文端。道光五年從祀。

時中謹考黃幼平。忠介人也。由進士授編修。不屈魏忠賢。上疏言用人行政之失。直刺周

延儒溫體仁。遂斥爲民。崇禎十年。掌司經局。疏辭有三罪四恥七不如。因斥道周以文章氣節高天下。十一年。廷推閣臣。道周得與名。上否之。道周上三疏。劾張嗣昌。陳新甲。奪情入閣。方一藻。遼撫議和狀。帝怒。命出候旨。道周曰。臣今不言負陛下。今殺臣。陛下負臣。上曰。爾一生學問。只成一佞字。叱之退。復奏君父前。獨立敢言爲佞。豈讒諂面諛爲忠耶。忠佞不辨。何以致治。帝曰。非朕漫加爾以佞。但所問在此。所答在彼。再叱之退。貶江西按察司照磨。巡撫解學龍。尙書李覺斯。疏救不允。逾年尙書劉澤深。疏救。乃謫永戍廣西。後福王監國。南都亡。唐王以道周爲武英殿大學士。方圖恢復。親赴江西。得義旅九千人。由廣信出衢州。進至婺源。遇大清兵。敗被執。幽別室。臨刑過東華。曰。此與高皇帝陵寢近。可以死矣。監者從之。蓋其性質剛大。道義充足。與文天祥方孝孺同。著多數學。學者用以推驗治亂。清道光三年從祀。稱先儒。

陸世儀

先儒陸世儀。字道威。江蘇太倉人。少篤志聖賢。錢忠介一見奇之。曰。他日必以魁儒名世。著思辨類。凡十四。深得程朱家法。清光緒元年從祀。

時中謹考世儀。天姿純粹。有志聖賢之學。錢忠介稱爲天下魁儒。學本程朱。得學問思辨之傳者。與陸王異趣同功。明無封爵。清光緒初從祀。稱先儒。

湯斌

先儒湯斌。字潛菴。睢州人。順治九年進士。康熙十八年召試博學鴻詞。改授侍講。纂修明史。歷官內閣學士。吏部尙書。著遺書十卷。採入四庫全書。欽定提要。稱其能持新安金谿之平。雍正二年。詔祀賢良祠。乾隆元年。賜諡文正。道光三年從祀。

時中謹考斌母趙氏。明末殉節。同父避亂衢州。亂平還里。登順治九年進士。改庶吉士。授國史院檢討。十二年。詔修明史。請徵野乘遺書。援文天祥巴顏布哈之忠義以崇體例。上溫諭嘉之。繼授陝西潼關道。立鄉保。設義倉。建社學。復流民業。歲旱無麥。發倉穀代餉。兵民便之。出勘荒。避雨大樹下。民朱欄其樹。比甘棠。十六年。調江西嶺北道。海寇鄭成功犯江甯。公破之。因父老乞還。後孫奇逢講學。往受業焉。十七年。召試博學鴻儒。授侍講。與修明史。仍申前議。頒史館著爲成命。二十一年。直經筵。每進講。先日齋肅。動君以誠。二十二年。擢內閣學士。議封禪。戒上勿生侈心。明年巡撫江甯。上以老成端謹。克正江蘇繁華之

風。十月南巡。薦知縣劉滋郭琇以勵廉吏。請旨嚴禁上方山五通淫祠。江風以敦。時執政明珠。黨權招利。謀難於公。公聲望偉甚。上方傾嚮之。命入輔皇太子讀書。授禮部尙書。管啓事府事。而余國柱用事。又傾陷之。公置不問。繼調工部尙書。年六十一卒。公自順治康熙間。屢疏免租。至豁免天下全租。民偉其德。云著洛學編。睢州志。語錄。詩文集。其學本出孫夏峯。專認本體。以戒慎不睹。恐懼不聞。爲眞精神。而明清以來講學。得朱陸之平者。乾隆初年。諡文正。道光三年從祀。稱先儒。

中華民國六年九月九日大同子溫厲時中著考於晉陽



崇聖表目

肇聖王木金父

裕聖王祈父

諡聖王防叔

昌聖王伯夏

啓聖王叔梁紇

崇聖祠年攷

子溫厲時中

孔子殷人也。初微子封於宋。微子卒。嫡子早亡。傳弟思衍。號微仲。四傳至弗父何。遜國於弟厲公。何世爲宋卿。再傳至正考父。考父生孔父嘉。五世親盡。別爲公族。始以孔爲氏。嘉生木金父。木金父生祈父。祈父生防叔。避華氏之禍而奔魯。防叔生伯夏。伯夏生叔梁紇。紇娶施氏生九女。而無子。其妾生孟皮。孟皮病足。乃求婚於顏氏。顏氏有三女。其幼曰徵。在。顏父問三女曰。陬大夫雖祖父爲士。然其先聖王之裔。今其人身長十尺。武力絕倫。吾甚貪之。雖年長性嚴。不足爲疑。三子孰能爲之妻。二女莫對。徵在。進曰。從父所制。將何問焉。父曰。即爾能矣。遂以妻之。徵在。禱於尼丘之山。生孔子於魯昌平陬邑。

配享先賢

先賢孔氏孟皮。字伯尼。孔子之兄子。蔑。名忠之父。清威豐六年配享。

先賢顏氏名無繇。字路。顏子之父。孔子初教闕里受業焉。唐開元二十七年從祀。明嘉靖九年。改配啓聖祠。稱先賢。

先聖孔氏名鯉。字伯魚。孔子子。伋之父也。孔子十九歲娶亓官氏。生伯魚。年五十。先孔子卒。

宋咸淳三年。從祀。明嘉靖九年。改配啓聖祠。稱先賢。

先賢曾氏名點。字皙。曾子之父。孔子始教受業焉。唐開元二十七年。從祀。明嘉靖九年。改配啓聖祠。稱先賢。

先賢孟孫氏名激。字公宜。孟子之父。元延祐二年。追封鄆國公。明嘉靖九年。配享啓聖祠。稱先賢。

從祀先儒

先儒周氏名輔臣。字伯大。敦頤之父。祥符八年。登進士。爲賀州桂巖令。多善政。操守孤高。卒贈陳議大夫。明萬歷二十三年。從祀啓聖祠。稱先儒。

先儒程氏名珦。字伯溫。顛頤之父。曾祖父。太宗時。兵部侍郎。父適。贈司空。仁宗錄舊臣。後授珦廬陵縣尉。改知虔州事。虔人久號難治。珦以德化民。人咸信服。在邑幾二年。而獄空。江西狡俗。巧爲古券契田訟難決。而虔旁邑。有久訟十餘歲莫決。部使委珦。珦訊之不頃刻間。盡得其情。民神服。就移知龔州事。時宜州反獠。歐希範既誅。降言求立祠。自宜至龔。作崇。珦投之逆流去。人乃知其妄。後知沛縣事。會水災。晚種不入。募豆。數千石。布之水中。而豆生芽。

民得食。移知磁州。止獻屋瑞。還知漢州。逆知僞文。不尙佛法。大興州校。教習士民。哲宗覃恩。遷大中大夫。累封開國伯。元祐五年。年八十五卒。珣忠信果決。能愛人。能知人。識周敦頤。於屬吏。薦以自代。頤頤師事之。晚與文彥博等爲同年會。賦詩繪像爲盛事。比唐九老。年七十。自爲墓誌紀事實。戒子孫勿求碑銘。彥博蘇頌表其清節。明嘉靖九年。從祖啓聖祠。稱先儒。先儒張氏名迪。載之父。大梁人。仁宗朝。終於殿中丞。知涪州事。贈尙書都官郎中。僑於鳳翔郿縣。橫渠鎮南。大振谷口。因家焉。清雍正二年。從祀崇聖祠。稱先儒。

先儒朱氏名松。字喬年。朱子之父。稍長。讀書慕賈誼陸贄之學。久之。從羅從彥訪道。因受業。政和八年。登進士。授建州政和尉。劍州尤溪尉。監泉州石井鎮。生朱子於官舍。告歸後。召試館職。除移書省正字。與修神宗正史。哲徽兩朝實錄。因阻和議。出知饒州。告老。疾革。屬子熹。籍溪胡原仲。白水劉致中。屏山劉彥冲。學有淵源。汝往師事之。遂卒。松修明六經。開徽之理學。先上李綱書。痛陳南宋時弊。厥爲有功世道之文。元至正間。追諡獻靖。明嘉靖九年。從祀啓聖祠。稱先儒。

先儒蔡氏。名元定。字季通。沈之父也。幼時日記千百言。父發博覽羣書。以程子語錄。邵子經

世。張子正蒙授之曰。此孔孟正脈也。元定登西山。啖齋苦讀。盡得其義。後朱子延爲老友。每對榻講論。至通夕。嘗語人曰。造化微妙。惟深於理者識之。吾與季通言而不寐也。凡書中不可以句者。多爬梳盤錯。解剖肯綮。暢然以達。朱子稱人讀易書難。季通讀難書易。諸生請益命先質而析衷之。及沈繼祖連詆朱子。謫元定於春陵。朱子同學者數百人。餞於蕭寺。猶論參同義意。氣象灑然。寒暄外無嗟怨語。賦詩有執手笑相別。無爲兒女悲。朱子稱友朋相愛之情。季通不挫之志。兩得之矣。步行三千里。足爲流血。無幾微憾言。除講學外不言也。教人以性天道爲先。自本而支。自派而流。令學者先知本原。不惑異端。嘗移書誠諸子曰。獨行不愧影。獨寢不愧衾。勿以吾得罪。故遂懈其志。在州逾年。偶謂沈曰。可謝客。且安靜還。造化舊物。閱日移寢正室。牖間而逝。年六十四。慶元四年八月九日也。元定久與朱子游。道德性命之學益精。而於天文地理樂律歷數兵陣之說尤優。著洪範解。大衍詳說。律呂新書。贈迪功郎。諡文節。明嘉靖九年。從祀啓聖祠。稱先儒。

崇聖祠考

崇聖祠。原稱啓聖祠。其緣起於元初。而清初改之。宋大中祥符元年。封孔子父叔梁紇爲聖

父魯國公。建堂曲阜。封聖。父建堂始是。元至順元年。加封啓聖王。建祠天下學宮。稱啓聖王。建祠實始是。配享以顏曾思孟之父。稱賢儒。從祀以周程朱子父及蔡元定。稱先儒。則享祀始是。清雍正二年。更啓聖爲崇聖。追王木金父。祈父。防叔。伯夏。及聖父叔梁紇。計五代。封王爵。總稱崇聖祠。增入張載之父。從祀。稱先儒。而封王稱崇聖祠始是。

民國六年九月九日大同子溫厲時中謹考

孔子世系統

孔子子鯉。鯉之子伋伋。伋伋之子白白。白白之子求求。求之子箕箕。箕子穿穿。穿子文信。君謙謙。子鮒鮒。弟騰騰。漢初封嗣聖君。騰子忠忠。子武武。子延年爲漢大將軍。太傅。延年子霸。封關內侯。號褒成君。諡烈。霸子福。福子房。房子均。封褒成侯。失國。均子志。復封諡元。志子損。徙封褒聖亭侯。損子曜。曜子完。完弟子羨。羨子震。徙封奉聖亭侯。震子疑。疑子撫。撫子懿。懿子鮮。封奉聖侯。鮮子乘。改崇聖大夫。乘子靈。珍復崇聖侯。靈珍子文。泰文。泰子渠。封恭聖侯。晉鄒國公子長孫。夔長孫子嗣。哲改封紹聖侯。嗣哲弟子德。倫改封褒聖侯。德倫子崇。崇基。崇子璣。之改封文宣公。璣之子萱。萱子齊。卿齊。卿子惟。旺。惟旺子策。策子振。無封爵。振子昭。儉。昭儉子光。嗣光。嗣

仁玉復封文宣公。仁玉子宣宣子延世。延世子聖佑。聖佑叔子宗愿。嗣襲。至和二年封衍聖公。宗愿子若蒙。若蒙弟若虛。襲奉聖公。後仍以若蒙子端友。襲復封衍聖公。端友卒。以弟端釋。襲幼子玠。玠卒。玠子楷卒。文遠襲。文遠卒。萬萬襲。萬來卒。洙襲。洙卒。思晦襲。思晦卒。子克堅。襲。克堅卒。子希學。襲。希學卒。子訥。襲。子訥卒。公監。襲。公監卒。子彥縉。襲。彥縉卒。子承慶。襲。承慶卒。子宏緒。襲。繼以弟宏泰。襲。宏治十六年。宏緒子聞韶。仍襲。聞韶子貞幹。貞幹子尙賢。尙賢子衍椿。卒。以從弟子衍植。襲。加太子太傅。衍植卒。興燮襲。興燮卒。毓圻襲。毓圻卒。傅操襲。傅鐸卒。繼護襲。繼護卒。廣榮襲。廣榮卒。昭煥襲。凡七十一代。至昭煥。計乾隆九年。至民國。仍沿襲衍聖公爵云。

大同子溫厲時中謹攷

甄氏世系統

孟子子仲子。生。墨。墨生。寓。寓生。舒。舒生。之後。之後。生。昭。昭生。伯。伯生。但。但生。卿。卿生。喜。喜生。磁。磁生。冀。冀生。嘗。嘗生。展。展生。械。械生。敏。敏生。光。光生。康。康生。宗。宗生。楫。楫生。觀。觀生。嘉。嘉生。懷。懷。玉。玉生。表。表生。斌。斌生。威。威生。信。信生。業。業生。景。景生。善。善誼。善誼生。誥。誥生。大。大融。融生。浩然。浩然生。雲。雲。卿。卿生。華。華生。常。常謙。常謙生。尊。尊慶。尊慶生。瑄。瑄生。方。方立。立生。承。承誨。

承誨生漢。漢生貫。貫生昶。昶生齊。齊生甯。甯生堅。堅生寬。寬生欽。欽生津。津生德義。德義生允祖。允祖生惟恭。惟恭生之訓。之訓生思諒。思諒生克仁。明天順三年。贈翰林院五經博士。克仁生希文。景泰三年。授五經博士。子孫世襲。希文生元。元生公榮。公榮生彥璞。彥璞生承光。承光生宏譽。宏譽生聞玉。聞玉生貞仁。貞仁生尙桂。尙桂生衍泰。衍泰生毓瀚。自亞聖至此。計六十七代。自希文至此。世襲五經博士。云凡十一世。大同子溫厲時中謹考。

孔孟世系統書後之解釋

宇宙萬光。日球一系。大陸萬山。山脈一系。環球大洋。萬脈一系。人生種族。由高曾而祖。而父。而子而孫。綿綿不絕。亦有然也。夫伊古以來。英雄豪傑。偉人衆矣。孔孟布衣。傳千百年。累禩以聖。齋顯於世。可見聖賢道德。源遠流長。永永不替也。因於年考後。再譜爲世系統云。

民國六年九月九日大同子溫厲時中恭書於晉文廟

先聖賢儒年攷後序

年攷一書。恭著於晉文廟內。根據闕里文獻攷而詳明之。夫子所謂文獻足則吾能徵之是也。中於光宣之季。學著易禮春秋詩書。及大中論孟。計九經竣事。取先代文獻以攷證之。鏘精擇要次第成書以存國粹。而於

至聖年譜世系。及其後系世爵。與其繼述之著稱。不厭詳求。而尤於聖經源流。及先賢儒之師承授受益深攷訂。至東西哲。東西廡。從祀升祀年代。亦依次詳列。製成一冊。唯歷朝祀典。及禮器樂器祭儀等。限於體例。不容摻入。俟另列副冊以爲合式。茲承濟南道德社重刊印。四百部。公諸世界云。

厲子溫恭著

先聖賢儒年攷書啟事

魯爲聖人之邦中西賢哲無不高山景行心儀嚮往或游歷到此或仕學集此都願躬

親曲阜謁

聖用表崇拜以爲我國之國魂在焉我國之精神存焉而於

至聖之聖蹟先賢儒之事實或未詳悉殊不足以彰

聖明而殷景仰中於民六在晉文廟內曾著成年攷一書謹將

先聖之源淵及先賢儒道德學問事功揆從祀年代纂集成書檢閱年攷曾經印過四百部

送閱今再經濟南道德社重行公印以備東西哲游歷聖域者覽焉是爲啟

大同子温厲時中
恭撰

第一次發刊者
柯璜

趙次龍

朱善元

鄭寶清

仇曾貽

王燕晉

常贊春

黃懋勳

厲疆田

鑒定

唐暄誠

高祁民

楊棻

江鍾秀

厲壽田

王靈濟

劉靈六

韓東

恭校

第二次發刊者

徐世光 何 澍 劉紹基 張仁濤 車 震 郭兆棟 郝景星 侯延爽 楊承謀 郭 廉 高 奉 言 張 彥 臣 任 祖 瀾 李 德 厚

鑒定

鄭寶善 鄭寶慈 何壽恒 馬鼎燮 步允諾 蔣潔章 郭維楨 劉孝存 陶文漪 喬 棠 楊聯珠 周啓泰 李福箴 巴澤惠

鑒定

中華民國十三年六月出版

山東 道 德 社 重 刊
山東 慈濟印刷所承印

7171
712211

78

102

